

ხალხის განწყობა და არა სტატიტიკა

პარლამენტმა მხარი დაუჭირა ახალ მტავრობას და მის პროგრამას

დათო გახისონია

ვანო მერაბიშვილმა მთავრობის ახალი პროგრამა - "მეტი სარგებელი ხალხს" - გუშინ პარლამენტს რიგგარეშე სხდომაზე გააცნო. მომავალმა პრემიერმა, განახლებული მთავრობის პრიორიტეტებზე საუბრისას, აღნიშნა, რომ მისი პირადი ოცნება საქართველოში ძლიერი, მდიდარი სოფელია, რაც საქართველოს სახელმწიფოს სიძლიერის საწინდარი იქნება. ამავდროულად, ვანო მერაბიშვილმა თავისი ცხოვრების საუკეთესო წლები გაიხსენა.



ვანო მერაბიშვილი: "მთავრობა ამ წუთიდან იწყებს მუშაობას"

გაზეთი 24 საათი
გვ. 3

არაულოება უკრაინაში სახელმწიფო ენის დასაცავად

ივანე შილაკაძე

უკრაინის უმაღლესმა რადამ მეორე მოსმენით "მილო" სკანდალური კანონი "სახელმწიფო ენობრივი პოლიტიკის საფუძვლების შესახებ", რომელიც რუსულ ენას თითქმის ანიჭებს მეორე სახელმწიფო ენის სტატუსს. ამან სერიოზული შეხლა-შემოხლა, მათ შორის ხელჩართული ჩხუბიც, გამოიწვია როგორც პარლამენტში, ასევე ქუჩაში, დემონსტრანტებსა და სამართალდამცავებს შორის.



გაზეთი 24 საათი
გვ. 4

ვინ მიდის ფარულიასთან?

ალექსანდრე ასათიანი

"ატლანტაში" რაღაცები იცვლება. დიდმა ბოსებმა პატარა ბოსებს დაუძახეს, ყური აუნიეს, პერსპექტივაზე ილაპარაკეს და დაიწყეს გაცვლები. ზაზა ფარულიას ატლანტაში ახალი "ატლანტა" დახვდება. ძველზე უკეთესი თუ უარესი, სხვა თემაა. უბრალოდ, ახალი და, ალბათ, ამ "პოქსის" მომავალში ჩვენი

ცენტრიც ჯდება. ზაზა საქართველოს ნაკრებთან ერთად საქმეს გააკეთებს, ბოსნიებს და ლატვიებს წაესპარინგება და მერე რეალური გარჩევები დაიწყება. გარჩევები ამერიკული რესტლინგის ელემენტებით. ერთი-ერთზე გარჩევები და ფარულიამ მეტი დრო უნდა მიიღოს. მიიღებს კიდევ.

გაზეთი 24 საათი
გვ. 7



ზაზა ფარულიას ატლანტაში ახალი "ატლანტა" დახვდება

"კრისტალის" ხელმძღვანელი დაპატიმრებულია

ლილოში ქლორით მოწამვლის საფრთხე აღარ არსებობს

"ლილოში ჰაერი ამ დროისთვის აბსოლუტურად უსაფრთხოა, მოწამვლის საფრთხე აღარ არსებობს," - ასეთია გარემოს დაცვის მინისტრისა და შესაბამისი სამსახურების ბოლო ინფორმაცია. გუშინწინ, გვიან ღამით, ლილოს დასახლებაში, ერთ-ერთ კერძო საწარმოში მოთავსებული ავზიდან ქლორმა გაჟონა.



ინციდენტის შედეგად 73 ადამიანი მოინამლა, მათ შორის - ორსული ქალბატონი და მცირეწლოვანები. მოწამვლები ხუთ სხვადასხვა საავადმყოფოში გადაიხანძრეს. მათმა დიდმა ნაწილმა, შესაბამისი სამედიცინო დახმარების შემდეგ, გუშინ საღამოს დატოვა სტაციონარი. დაშავებულთა შორის იყვნენ სამაშველო სამსახურის წარმომადგენლებიც. მომხდარი ინციდენტიდან

ერთ საათში, დაშავებულები პრეზიდენტმა და ჯანდაცვის მინისტრმა მოინახულეს.

გაზეთი 24 საათი
გვ. 2

სახიფათო მანევრები სპარსეთის ყურეში

ნათანა ბაჩივანი

ამერიკის შეერთებული შტატები ირანის ისლამურ რესპუბლიკასთან საიდუმლო მოლაპარაკებებისთვის ემზადება, თანაც სპარსეთის ყურეში სამხედრო ძალების გაძლიერებული მობილიზაცია ხდება. ამის შესახებ ცნობები უცხოურ მედიამ სულ უფრო აქტიურად ჩნდება.



ბოლო თვეების განმავლობაში სპარსეთის ყურესა და არაბეთის ზღვაში მუდმივად იმყოფება ორი შემტევი საარმიო დაჯგუფება, მათ შორის, ორი ბირთვული ავიამოიდი, რომლებზეც თითოეულზე 48 მოიერიშე-გამანადგურებელია განთავსებული. ასევე ორივე ჯგუფში ირიცხება ორი სარაკეტო

კრესერი და ორი ბირთვული წყალქვეშა ნავი. თითოეული სანაოსნო ჯგუფის განკარგულებაშია, სულ მცირე, 1 600 კილომეტრზე მოქმედი 100 ფრთოსანი რაკეტა. ამავე რეგიონში იმყოფება უკვე საექსპედიციო შემტევი ჯგუფი სამი სადესანტო ხომალდით.

გაზეთი 24 საათი
გვ. 4

ფასდაკლების კუპონი

აქცია ექსკლუზივი



4 ივნისიდან 4 ივლისის ჩათვლით!

ექსკლუზიურად „24 საათის“ და „Weekend“-ის მკითხველისთვის!

- ამოჭერი კუპონი და მიიღე ექსკლუზიური ფასდაკლება „ბაკურ სულაკაურის გამომცემლობის“ წიგნებზე „საქართველოს ფოსტის“ პრესის ჯიხურებში მთელი საქართველოს მასშტაბით, თქვენთვის მოსახერხებელ ადგილას.
- აირჩიე 5 წიგნიდან შენთვის სასურველი 1 წიგნი და შეიძინე საუკეთესო ფასად!

ყვავი ცალინინდა ოინგაზოგს	5.90	4.90
ჰარი პოტარი და საიღუმლო ოთახი	9.00	4.00
ფალიაშვილის ქუჩის ქაღალაი	6.90	3.00
ქართულიაი ამერიკაში	17.90	11.90
კავკასიის გაოპოლიტიკური ატლასი	15.90	11.00

1 აშშ დოლარი	1.6449\$
1 ევრო	2.0896\$
1 ინგლისური გირვანკა	2.5787\$
1 თურქული ლირა	0.9138\$
100 რუსული რუბლი	5.0845\$

"24 საათის" ელექტრონული ვერსია იხილეთ www.24saati.ge
ჩვენი პარტნიორები:

ISSN 1987 9121

9 771987 19121001

თბილისის მერმა ახალი ვებგვერდის პრეზენტაცია გამართა

გიგი უგულავამ გუშინ ახალი ვებგვერდის- www.chemitbilisi.com - პრეზენტაცია გამართა და პროექტის დეტალებზე ისაუბრა. გიგი უგულავას თქმით, თბილისელებს შესაძლებლობა აქვთ, ქალაქის განვითარებაში საკუთარი წვლილი შეიტანონ. ამისთვის საჭიროა, ნებისმიერი დაინტერესებული პირი და რეგისტრირდეს ახალ ვებგვერდზე, დააფიქსიროს საკუთარი იდეა, მოიპოვოს თბილისელების მხარდაჭერა და სასურველი პროექტი განახორციელოს.

იდეა, რომელსაც ყველაზე მეტი მხარდაჭერი ეყოლება, მერიის დახმარებით უმოკლეს ვადაში განხორციელდება. დედაქალაქის მერიის ინფორმაციით, პროექტი მიზნად ისახავს, მაქსიმალურად მოერგოს თბილისელების ინტერესებს ყველა ის სიკეთე, რომელთა განხორციელებაც თვითმმართველობას ქალაქში შეუძლია.

"ახალი ინიციატივა დამატებითი ინსტრუმენტია, რომლის დახმარებითაც თბილისის მერია უფრო ეფექტურ ნაბიჯებს გადადგამს ისეთი პრობლემების გადასაჭრელად, როგორც არის დასაქმება, ინფრასტრუქტურა, საზოგადოებრივი ტრანსპორტი, გამწვანება და კეთილმოწყობა. თითოეული მხარდაჭერილი იდეა მერიის შესაბამის სამსახურში დაუყოვნებლივ განიხილება," - აცხადებს თბილისის მერი.

საგარეო უწყება განცხადებას ავრცელებს

გაერო-ს გენერალური ასამბლეის 3 ივლისის რეზოლუციის შესახებ, რომელიც ქართველ დევნილებს შეეხებათ, საქართველოს საგარეო უწყება განცხადებას ავრცელებს.

"გენერალურმა ასამბლეამ მსგავსი რეზოლუცია პირველად 2008 წელს მიიღო და მას შემდეგ ყოველწლიურად ადასტურებს ლტოლვილების და იძულებით გადაადგილებული პირების საკუთარ სახლებში ნებაყოფლობითი, ღირსეული და უსაფრთხო დაბრუნების აუცილებლობას. რეზოლუცია ასევე ყურადღებას ამახვილებს ლტოლვილებისა და იძულებით გადაადგილებული პირების საკუთრების უფლების დაცვასა და პატივისცემაზე. რეზოლუცია გმობს საქართველოს ოკუპირებულ რეგიონებში ძალისმიერი გზით განხორციელებულ დემოგრაფიულ ცვლილებებს და მოუწოდებს შენევის მოლაპარაკებების მონაწილეებს, გაააქტიურონ ძალისხმევა დევნილი მოსახლეობის საკუთარ სახლებში დაბრუნების უზრუნველსაყოფად. მნიშვნელოვანია, რომ რეზოლუცია ავალდებულებს გაერო-ს გენერალურ მდივანს, ყოველწლიურად მოახსენოს გენერალურ ასამბლეას დევნილი მოსახლეობის ირგვლივ არსებული მდგომარეობის შესახებ. გენერალური მდივნის შემდეგი მოხსენება აღნიშნულ საკითხზე 2013 წელს გამოვა," - ნათქვამია განცხადებაში.

საქართველოს საგარეო უწყების ცნობით, რეზოლუცია ყურადღებას ამახვილებს აფხაზეთისა და ცხინვალის რეგიონებში ჰუმანიტარული საქმიანობის შეუფერხებლად განხორციელების აუცილებლობაზე. ვაშაძის უწყების შეფასებით, აღნიშნული დებულება განსაკუთრებულ მნიშვნელობას იძენს იმ ფონზე, რომ რუსეთის ფედერაცია და მისი საოკუპაციო რეჟიმები საქართველოს ოკუპირებულ ტერიტორიებზე ჰუმანიტარული მისიებისა და საერთაშორისო ორგანიზაციების შესვლის ბლოკირებას განაგრძობენ.

"რეზოლუციის მხარდაჭერათა ზრდის პოზიტიური დინამიკა ადასტურებს საერთაშორისო თანამეგობრობის მხრიდან იმ ჰუმანიტარული კატასტროფის მზარდ გაცნობიერებას, რომელიც საქართველოს ოკუპირებულ ტერიტორიებზე განხორციელებული ძალადობრივი დემოგრაფიული ცვლილებების შედეგად შეიქმნა. საქართველოს საგარეო საქმეთა სამინისტრო მადლობას უხდის ყველა იმ სახელმწიფოს, რომლებმაც მხარი დაუჭირეს რეზოლუციის იძულებით გადაადგილებული პირებისა და ლტოლვილების დაბრუნების უფლების შესახებ," - ნათქვამია განცხადებაში.

შოთა უტიაშვილმა შსს დატოვა

შოთა უტიაშვილი შინაგან საქმეთა სამინისტროს საინფორმაციო-ანალიტიკური დეპარტამენტის უფროსი აღარ არის. ამის შესახებ "ინტერეპრესნიუსი" თავად უტიაშვილის განცხადებაზე დაყრდნობით იუწყება.

უტიაშვილის განმარტებით, თავისი მომავალი სამუშაო ადგილის შესახებ ჯერ ინფორმაცია არა აქვს და არც ის იცის, ვინ დაიკავებს შსს საინფორმაციო-ანალიტიკური დეპარტამენტის უფროსის თანამდებობას.

შსს-ში საკადრო ცვლილებები მინისტრის შეცვლას მოჰყვა.

დემოკრატიული რეფორმების ინდიკატორი არჩევნები იქნება

ჰერმან ვან რომპეის ოფიციალური ვიზიტი საქართველოში

მაგდა ლაქიაშვილი

ევროკავშირის პრეზიდენტთა საბჭოს თავმჯდომარე ჰერმან ვან რომპეი ოფიციალური ვიზიტით საქართველოს გუშინ ეწვია. საგარეო საქმეთა სამინისტროს ინფორმაციით, ამ ვიზიტს განსაკუთრებული მნიშვნელობა აქვს, ვინაიდან საქართველო მუდმივად ცდილობს, ევროკავშირთან ყველანაირ ფორმატში სისტემატური ურთიერთობა ჰქონდეს. საქართველო არსებულ კონფლიქტურ ვითარებაში აქცენტს აკეთებს ქვეყანაში ევროკავშირის სადამკვირვებლო მისიის ყოფნაზე - ამჟამად მისია მანდატს სრულად ვერ ახორციელებს.

რომპეი საქართველოს პრეზიდენტმა საკუთარ რეზიდენციაში მიიღო. მოლაპარაკებების შემდეგ მხარეებმა ერთობლივი ბრიფინგი გამართეს. რომპეი თავისი თანამდებობის ფარგლებში საქართველოში პირველად იმყოფება. პრეზიდენტთან შეხვედრას მან საინტერესო უწოდა და ყურადღება რამდენიმე მნიშვნელოვან ფაქტორზე გაამახვილა. ევროპული საბჭოს ხელმძღვანელი ამბობს, რომ საქართველოში მოდერნიზაციის და რეფორმების გზაზე, დამოუკიდებლობის მოპოვების შემდეგ, მნიშვნელოვან ნარმატებას მიაღწია. ქვეყანაში ძლიერდება სახელმწიფო ინსტიტუტები და ყველაფერს აკეთებს ხელისუფლება ბიზნესგარემოს გასაუმჯობესებლად. რომპეის შეფასებით, საქართველო ამ მიმართულებით რეგიონში მაგალითადაც შეიძლება იქნეს მიჩნეული. მეორე მნიშვნელოვანი საკითხი, რაზეც ევროპელმა ლიდერმა გაამახვილა ყურადღება, საქართველოსა და ევროკავშირის ურთიერთობას ეხება. რომპეის შეფასებით, ურთიერთობა უფრო და უფრო ღრმავდება, პროგრესია თავი-



სუფალი ვაჭრობის შესახებ მოლაპარაკებებში, მნიშვნელოვანი ნაბიჯები გადაიდგა ვიზიტის ლიბერალიზაციისთვისაც. ევროპული საბჭოს ხელმძღვანელის თქმით, თუკი საქართველო კიდევ უფრო მეტ რეფორმას გაატარებს, ევროკავშირი მას მეტად დაეხმარება. რომპეის შეფასებით, მომავალი არჩევნები იმ რეფორმების ინდიკატორი იქნება, რომლებზეც აქვს პრეტენზია ქვეყანას.

"**მივსალმებით პრეზიდენტის ინიციატივას, რაც შეიძლება მეტი დამკვირვებელი ჩამოიყვანოს ნინასარჩევნო პროცესზე დასაკვირვებლად. მოვუწოდებ პოლიტიკოსებს, გამართონ დებატები მნიშვნელოვან პოლიტიკურ საკითხებზე. სამართლიანი არჩევნები ლეგიტიმური შედეგების ფუნდამენტური პრინციპია,**" - განაცხადა ჰერმან ვან რომპეიმ. ევროპული საბჭოს ხელმძღვანელი აღმოსავლეთ პარტნიორობაზე საუბრობს და აღნიშნავს, რომ ამ მიმართულებით თანამშრომლობა

აღამიანის უფლებების დაცვასა და კანონის უზენაესობის პატივისცემას ემყარება.

ევროკავშირი ასევე ძლიერ არის დაინტერესებული საქართველოსა და რუსეთის შორის კონფლიქტის მოგვარებით. როგორც რომპეი ამბობს, ამ პროცესში ევროკავშირი ერთ-ერთ მთავარ მონაწილედ დარჩება. გაერთიანება მხარს უჭერს საქართველოს ტერიტორიულ მთლიანობას და სუვერენიტეტს საერთაშორისოდ აღიარებულ საზღვრებში.

"**საქართველოსა და რუსეთს ურთიერთობის ნორმალიზებისთვის გზების მონახვა სჭირდებათ. ორივე მხარემ უნდა აიღოს ძალის გამოუყენებლობის შესახებ ვალდებულება. იმედს გამოვთქვამ, რომ კონფლიქტი მშვიდობიანად მოგვარდება,**" - განაცხადა ევროპული საბჭოს ხელმძღვანელმა.

თავის მხრივ, მიხეილ სააკაშვილმა მადლობა გადაუხადა ევროკავშირის საქართველოს ტერიტორიული მთლიანობისა

და სუვერენიტეტის მხარდაჭერისთვის. ასევე იმისთვის, რომ ევროკავშირი რუსეთს ყოველთვის მოუწოდებს, შეასრულოს ცეცხლის შეწყვეტის შესახებ ხელშეკრულებით ნაკისრი ვალდებულება და რუსული სამხედრო ძალები საქართველოს ტერიტორიიდან გაიყვანოს. პრეზიდენტმა საქართველო ევროკავშირის ურთიერთობებზეც ისაუბრა. მისი თქმით, არაკორუმპირებული გარემო და პოლიტიკიდან ფულის გამოყვანა, ხალხის ნებასა და არა მოსყიდვასა და დაშინებაზე დაფუძნებული პოლიტიკური პროცესები, ქართულ-ევროპული ორიენტაციის მყარ საფუძველს წარმოადგენს. მიხეილ სააკაშვილის განცხადებით, საქართველომ თავისუფალი ვაჭრობის მოლაპარაკების საკითხებში წინ წაიწია. მოლაპარაკების ნარმატებით დასრულება კი საქართველოში დამატებით ათობით ათასი სამუშაო ადგილის შექმნას შეუწყობს ხელს.

"**ნაბიჯები გადავდგით ასევე ვიზიტის ლიბერალიზაციის საკითხში. ეს ნიშნავს იმას, რომ უახლოეს პერიოდში ევროკავშირთან უვიზო მოსვლა გვექნება. ჩვენ მივდივართ იმ გზით, რომ ევროკავშირთან სრულფასოვან ნევრობაზე მოლაპარაკების დაწყება შეეძლოს. საქართველოს ოქტომბერში საპარლამენტო არჩევნები ელის. ევროკავშირიდან ბევრ დამკვირვებელს ვპატიჟებთ. გვინდა, რომ ევროკავშირმა აქტიურად მიიღოს მონაწილეობა საარჩევნო პროცესებში, რომლებიც უნდა იყოს გამჭვირვალე და გახსნილი, მანიპულაციებისა და მოსყიდვისგან განმეხდელი, მით უმეტეს - უცხოეთიდან შემოსული ფულისგან. ჩვენ თავისუფალი ნების დაფიქსირება უნდა შეეძლოს," - განაცხადა მიხეილ სააკაშვილმა.**

"კრისტალის" ხელმძღვანელი დაკავშირებულია

დაკავშირებულია

ზურაბ ჭიაბერაშვილის განცხადებით, თითოეული დაშავებული სამკურნალო ხარჯებს სახელმწიფო გაიღებს. ექიმების განმარტებით, კვლავ მძიმე რჩება ერთ-ერთი მონამულულის, 18 წლის ლაშა ნარიმანოვის მდგომარეობა. ექიმებს პაციენტის გამოჯანმრთელების თაობაზე საიმედო პროგნოზის გაკეთება უჭირთ.

ლელოს დასახლებაში მდებარე ობიექტი, საიდანაც ქლორის გაჟონვა მოხდა, დალუქულია. მომხდართან დაკავშირებით, გამოძიება დაწყებულია სსკ-ის 240-ე მუხლით. "სამთო, სამშენებლო ან სხვა სამუშაოს წარმოებისას უსაფრთხოების წესის დარღვევა, რამაც გამოიწვია ჯანმრთელობის ნაკლებად მძიმე ან მძიმე დაზიანება," - ასეა განმარტებული კოდექს-

ში 240-ე მუხლი. თუმცა, გავრცელებული ინფორმაციით, არ არის გამორიცხული, ეს მუხლი 288-ე მუხლით გადაკვალიფიცირდეს, რაც ბუნებისთვის არასასურველ ნივთიერებასთან არასათანადო მოპყრობას გულისხმობს.

როგორც გაირკვა, 800-ლიტრიანი ქიმიური ავზი, საიდანაც ქლორის გაჟონვა მოხდა, გაერთიანებული წყალმომარაგების კომპანიის კონტრაქტორ ფორმას, შპს "კრისტალს" ეკუთვნის. კომპანია "კრისტალს" ხელმძღვანელი ლევან დათუაშვილი სამართალდამცველებმა დააკავეს და მას სასამართლომ გუშინ ორთვიანი პატიმრობა შეუფარდა.

სამართალდამცველებს შეკითხვები გაუჩნდათ გაერთიანებული წყალმომარაგების

კომპანიასთან, სადაც განმარტავენ, რომ საქართველოს გაერთიანებული წყალმომარაგების კომპანია 2012 წლის 3 იანვარს გამოაცხადა ტენდერი თხევადი ქლორის შესყიდვასთან დაკავშირებით. ტენდერი 2012 წლის 24 იანვარს დასრულდა და შპს "კრისტალმა" გაიმარჯვა.

წყალმომარაგების კომპანიაში ასევე განმარტავენ, რომ "კრისტალი" სრულიად აკმაყოფილებდა საკვალიფიკაციო მოთხოვნებს და, შესაბამისად, გაერთიანებულმა წყალმომარაგების კომპანიამ "კრისტალთან" 2012 წლის 8 თებერვალს გააფორმა ხელშეკრულება.

"**ხელშეკრულების თანახმად, შპს "კრისტალს" 2012 წლის 8 თებერვლიდან 2012 წლის 20 დეკემბრამდე ეტაპობ-**

რივად უნდა განხორციელებინა 50 ტონა თხევადი ქლორის მონოდება შესაბამისი კონტეინერით. კონტრაქტის პირობით, ქლორის ტრანსპორტირებაზე, უსაფრთხოებასა და ქლორის ხარისხზე პასუხისმგებლობა ეკისრებოდა შპს "კრისტალს". ხელშეკრულების შესაბამისად, დღემდე "კრისტალმა" გაერთიანებული წყალმომარაგების კომპანიას ეტაპობრივად სამჯერ მიაწოდა თხევადი ქლორი," - აცხადებენ წყალმომარაგების კომპანიაში და ირწმუნებიან, რომ ლილოში მომხდარ შემთხვევაზე სრული პასუხისმგებლობა შპს "კრისტალს" ეკისრება.

ამჟამად, ქლორის ავზი, "საქნავის" ტერიტორიიდან დაუსახლებელ, უსაფრთხო ადგილზეა გადატანილი.

გაზეთი "24 საათი" გამოცემული შპს "მზა". რედაქტორ-გამომცემელი: გიორგი ფარუაშვილი, პაატა ვეშაიძე.

რედაქცია: სოფიკო ჩხაიძე (მთავარი რედაქტორი), რედაქტორები: მია ჭალაგანიძე (საზოგადოება, Weekend), ინგა ალაიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილასონია (რევიუ), კახა ფარუაშვილი (სპორტი). რედაქციის და მარკეტინგის მენეჯერი: ირაკლი ლეჟავა ტელ: 899 22 09 49. კომპიუტერული ცენტრი: თამაზ ჩხაიძე (მენეჯერი), ირაკლი ჯიშკარიანი, თენგიზ ქორია, ნინო ყაველაშვილი რედაქციის მისამართი: ქ.თბილისი, კოსტავას ქ. №68, საზოგადოებრივი მაუწყებელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

ხალხის განყოფილება და არა სტატისტიკა

პირველი გვერდიდან

"ჩემი ცხოვრების ყველაზე საინტერესო პერიოდი მინაგან საქმეთა მინისტრობას უკავშირდება, - აღნიშნა ვანო მერაბიშვილმა. პრემიერ-მინისტრმა მინაგან საქმეთა ახალ მინისტრზეც ისაუბრა: "ბაჩოსთვის მინაგან საქმეთა სამინისტროში მუშაობა და არსებული დონის შენარჩუნებაც კი ძალიან ძნელი იქნება. მაგრამ დარწმუნებული ვარ, ბაჩოს მუშაობა აჩვენებს, რომ პოლიციაში გატარებულ რეფორმა მტკიცეა. ყველა დაინახავს, რომ საკადრო ცვლილება რეფორმაზე გავლენას არ ახდენს."

პრემიერ-მინისტრად დამტკიცებამდე ვანო მერაბიშვილმა საქმიანობის შეფასების თავისეული კრიტიკიუმის შესახებაც ისაუბრა. როგორც მერაბიშვილი აღნიშნავს, მთავარია ხალხის განყოფილება და არა სტატისტიკური მონაცემები.

"სტატისტიკა გამოგადგება ბულატრული ბლანკისთვის. ჩემთვის მთავარია შედეგი და კონკრეტული ადამიანების შეხედულებები, ხოლო რიცხვები არაფერზე მეტყველებს, თუ მათ უკან განწყობა არ დგას. მინაგან საქმეთა მინისტრობის დროს მე არასოდეს ვინტერესდებოდი და ვკითხულობდი სტატისტიკურ მონაცემებს. მაგრამ საზოგადოების განწყობა პოლიციის რეფორმის მიმართ აშკარა იყო," - ამბობს ვანო მერაბიშვილი.

მერაბიშვილის განცხადება ოპოზიციის კრიტიკის საგანად გახდა. როგორც ვიცე-სპიკერმა "ქრისტიან-დემოკრატებიდან" ლევან ვეფხვაძემ პარლამენტის რიგგარეშე სხდომაზე აღნიშნა, მერაბიშვილის განცხადება იმის შესახებ, რომ მას სტატისტიკა არ აინტერესებს, 30-იანი წლების გამოთქმას ჰგავს: "თუ რიცხვები ჩვენს წინააღმდეგ არის, მით უარესი ამ რიცხვებისთვის."

მერაბიშვილმა ვეფხვაძეს უპასუხა, რომ 30-იანი წლების ლიტერატურას ნაკლებად იცნობს, რადგან ეს არასდროს აინტერესებდა. "არ ვიცი, 30-იან წლებში რას ამბობდნენ. ჩემთვის მთავარია განწყობა და არა რიცხვები, რადგან რიცხვები არაფერზე მეტყველებს თუ მათ უკან არ დგას განწყობა და რეალური შეგრძნება. ვკვლავაც ვიტყვი, რომ ჩემთვის ნაკლებად მნიშვნელოვანი იქნება სტატისტიკური მონაცემები," - დასძინა მერაბიშვილმა.

"ქართული დასის" ლიდერ ჯონდი ბალათურის აზრით კი, საქართველოში ხალხის დაუსაქმებ-

ლობის მიზეზი ის არის, რომ ვანო მერაბიშვილისა და მიხეილ სააკაშვილის რეპრესიების შედეგად არაერთი ბიზნესი დაიხურა. "კომპანიების წინააღმდეგ რეპრესიები მიმდინარეობს. ბიზნესის ყველა დარგში მონოპოლია შექმენით. კრიმინალურ "ოპზიას" აგროვებენ, რომელიც პრეზიდენტთან იყრის თავს. თქვენ კომპანიები გააკოტრეთ. ამის გამო ქართული ფული და ინტელექტი უცხოეთში გადის," - მიმართა რიგგარეშე სხდომაზე ვანო მერაბიშვილს ჯონდი ბალათურია.

ჯონდი ბალათურის განცხადებით, კეთილდღეობამ მხოლოდ მაღალჩინოსნების ოჯახებში შეაღწია, მოსახლეობა კი კვლავ სიღატაკესა და უსამართლობაში ცხოვრობს. "არ დარჩენილა ადამიანი, რომელსაც ოჯახის წევრი ან ნათესავი დაპატიმრებული არ ჰყავდა. ციხეები გადატენილია," - ამბობს ჯონდი ბალათურია. ოპოზიციონერმა დასაქმების სახელმწიფო მინისტრობის ჯერ კიდევ კანდიდატის პაატა ტრაპაიძის შესახებაც ისაუბრა. "აქ მინისტრად გყავთ წარმოდგენილი კაცი, რომელმაც სახლში დიდი ფული წაიღო. ის მთავრობის დაკვეთით პროექტებს ასრულებდა," - ამბობს ჯონდი ბალათურია, რომელსაც დასაქმების მინისტრის ახალი აპარატის ჩამოყალიბება სიზმრების მინისტრს დაკვეთით პროექტებს ასრულებდა," - ამბობს ჯონდი ბალათურია, რომელსაც დასაქმების მინისტრის ახალი აპარატის ჩამოყალიბება სიზმრების მინისტრს დაკვეთით პროექტებს ასრულებდა," - ამბობს ჯონდი ბალათურია.

"ქართული დასის" ლიდერმა ვანო მერაბიშვილს მეორედ დაუსვა ის კითხვა, რომელზე პასუხიც, არაერთი მცდელობის მიუხედავად, გილაურის მთავრობისგან ვერ მიიღო. "რამდენი დაინარჯა პრეზიდენტის რეზიდენციის მშენებლობაზე? რაჯვები რომელი წლის სახელმწიფო ბიუჯეტშია განერილი?" - კითხულობს ჯონდი ბალათურია.

ოპოზიციონერს ვანო მერაბიშვილმა კითხვებზე არ უპასუხა. რაც შეეხება ვიცე-სპიკერ პაატა დავითაის შენიშვნას, რომელიც დევნილების გამოსახლებისადამიანის უფლებების დარღვევებს ეხებოდა, ვანო მერაბიშვილი ასე გამოეხმაურა: "ვალიარებ, რომ დევნილების განსახლების, მათთვის სახლში მშენებლობის პროცესში, უსამართლობა ხშირად ხდებოდა და ამის გამოსასწორებლად აქტიურად ვითანამშრომლებთ. ყველა მინისტრი თითოეული დეპუტატის მიერ მოთხოვნილ ინფორმაციას ყურადღებით მოეკიდება. ასევე, ყურადღებით ვიქნებით შეხებისმიერი მოქალაქის, პრესისა და საზოგადოებრივი ორგანიზაციების შენიშვნებზე."

"ქრისტიან-დემოკრატიული მოძრაობის" ლიდერმა გიორგი თარგამაძემ ვანო მერაბიშვილს უსაყვედურა, რომ სამთავრობო პროგრამაში ტერიტორიული მთლიანობის საკითხი გათვალისწინებული არ არის.

"დღეს საქართველოში პრემიერ-მინისტრობის კანდიდატი ქვეყნის 4-წლიანი მომავალის შესახებ მსჯელობს და ქვეყნის მთავარ სატკივარს - ტერიტორიული მთლიანობის აღდგენას ერთ სიტყვითაც არ ახსენებს. ეს საქართველოს პოლიტიკის, ცხოვრების, მომავლის და აწმყოს ყველაზე მტკივნეული ნაწილია," - ამბობს გიორგი თარგამაძე.

საპარლამენტო უმცირესობის ლიდერი ამბობს, რომ პარლამენტში, მთავრობის ნაცვლად, საარჩევნო შტაბი იმყოფება. თუმცა, მისი მტკიცებით, მთავრობის პროგრამა საარჩევნოდაც კი არ არის მომზადებული.

"პასუხისმგებლობის მქონე ნებისმიერი პოლიტიკური ძალა დაფიქრდებოდა, რომ უმუშევრობასთან, დასაქმებასთან და კუჭის სატკივართან ერთად, ამ ქვეყანაში ცხოვრობის ის ხალხი, ვისთვისაც ეროვნული სახელმწიფოს, თავისუფალი და დემოკრატიული საზოგადოების აშენება, ქვეყნის გაერთიანება და გამართლება უფრო მნიშვნელოვანია, ვიდრე 1000-ლარიანი ვაუჩერით ადამიანების მოხილვა," - ამბობს გიორგი თარგამაძე.

თარგამაძემ, ხელისუფლებასთან ერთად, მისი პოლიტიკური ოპონენტებზეც გააკრიტიკა და მიანიშნა ბიძინა ივანიშვილზე გააკეთა.

თარგამაძის თქმით, მერაბიშვილმა საკუთარი შარმითა და მეტყველებით თვისებებით ისე მოხიბლა ძველი მეგობარი და ერთ-ერთი ოპოზიციური პარტიის ლიდერი, რომ იგი მერაბიშვილს დღემდე დადებითად ახასიათებს. "მე მერაბიშვილის მეტყველებით თვისებებზე განსხვავებული მოსაზრება მაქვს. ამის კარგ მაგალითად" 2008 წელს დევნილებისთვის საცხოვრებლების აშენებაც გამოდგება," - ამბობს თარგამაძე.

ოპოზიცია მერაბიშვილის დასაქმების პროგრამის მიმართაც სკეპტიკურად არის განწყობილი. საპარლამენტო უმრავლესობის წევრმა გოკა გაბაშვილმა კი გამოსვლა იმით დაიწყო, რომ ბოლომ წლის განმავლობაში პარლამენტში დებატების სულსკვეთება უცვლელია. "ოპოზიცია მუდმი-

ვად დრამატული ტონით გვეკითხება: ამა თუ იმ საკითხზე იღებთ პასუხისმგებლობას? ერთხელ და სამუდამოდ უნდა გარკვიოთ, რომ დიახ, ჩვენ პასუხისმგებლობას ვიღებთ ქვეყანაში ყველა ურთულეს პრობლემაზე და თქვენ პასუხისმგებლობას არ იღებთ," - მიმართავს ოპოზიციას გოკა გაბაშვილი.

გაბაშვილის აზრით, პარლამენტის დარბაზში ოპოზიციონერთა მხრიდან პასუხისმგებლობაზე საუბარი უცნაურია. "ოპოზიციონერები ასევე გვეკითხებოდნენ - იღებთ პასუხისმგებლობას ქურდულ სამყაროსთან ბრძოლაში? მაშინ სხვა შემადგენლობის ოპოზიცია ამ კანონს მხარს არ უჭერდა. ქურდული სამყარო საზოგადოების ყველა სფეროში იყო გამჯდარი, თუმცა ოპოზიცია მაშინაც დრამატული ტონით გვეკითხებოდა - იღებთ პასუხისმგებლობას ავიღეთ და ამ ქვეყანაში ქურდული სამყარო დამარცხებულია," - ამბობს გოკა გაბაშვილი.

საპარლამენტო უმრავლესობის წევრის თქმით, ოპოზიციას ასეთივე დამოკიდებულება ჰქონდა კორუფციასთან ბრძოლის წინააღმდეგ კანონების მიღებისას. როგორც გაბაშვილი ამბობს, ახლა ოპოზიცია ასეთივე დრამატული ტონით კითხულობს, იღებს თუ არა ხელისუფლება პასუხისმგებლობას უმუშევრობის დამარცხებაზე. "ჩვენი პასუხია: დიახ, უმუშევრობას ერთხელ და სამუდამოდ დავამარცხებთ. უმუშევრობა სახელმწიფოსთვის ისეთივე დამანგრეველია, როგორც კორუფცია და კრიმინალი," - აღნიშნავს გოკა გაბაშვილი.

პარლამენტმა განახლებული მთავრობა და მისი პროგრამა დამტკიცა. კენჭისყრის შემდეგ პრემიერ-მინისტრმა ვანო მერაბიშვილმა მედიასთან მოკლე კომენტარი გააკეთა. "ამ წუთიდან, მთავრობის წევრებთან ერთად, პროგრამის აღსრულებას ვიწყებთ. თითოეულ რეგიონში, ქალაქსა და სოფელში ხალხს სამთავრობო პროგრამას გავაცნობთ. პროგრამა უმუშევრობის წინააღმდეგ ეფექტიან ბრძოლას ითვალისწინებს, - აცხადებს პრემიერ-მინისტრი ვანო მერაბიშვილი და მედიას მიმართავს, - პრესის წარმომადგენლებთან ურთიერთობას ვაპირებ და ჩვენს გეგმებს მოსახლეობას თქვენი მეშვეობით წარვუდგენთ."

ირაკლი ალასანიას: "ხელისუფლების მიზანი ჩვენი წონასწორობიდან გამოყვანა"

კოალიცია "ქართული ოცნების" ერთ-ერთი ლიდერი ირაკლი ალასანია სენაკის რაიონის სოფელ ახალსოფლის მცხოვრებლებს შეხვდა. "ინტერპრესნიუსის" ინფორმაციით, ალასანიამ მათ განათლების, ჯანდაცვის, სოფლის მეურნეობის სფეროების ხელშეწყობისა და დასაქმების შესახებ "ქართული ოცნების" პროგრამა გააცნო.

ამასთან, ალასანიამ კომენტარი გააკეთა პროექტ "კარდაკარის" სენაკის რაიონის ეკისთემის კორდინატორ რომანო ცხვიტავას დაკავების ფაქტზე. ცხვიტავა პოლიციამ ხულიგნობის ბრალდებით აიყვანა და სასამართლო ერთთვიანი აღმინისტრაციული პატიმრობა შეუფარდა. ალასანია აღნიშნულ პოლიტიკური მოტივით ხსნის და "მიუღებელს" უწოდებს.

"სენაკის რაიონში პოლიცია აკავებს "კარდაკარში" მონაწილე ჩვენს აქტივისტებს. ეს მიუღებელია, რადგან ამით ხელი ეშლება პოლიტიკური პროცესის ნორმალურად წარმართვას. მინდა, მიემართო უწყებათაშორის კომისიას, ყურადღება მიმეციათ ამ ფაქტს და იმასაც, რომ არავის შეეშალოს ხელი პოლიტიკური პროცესის წარმართვაში. ხელისუფლების მიზანია ჩვენი წონასწორობიდან გამოყვანა, თუმცა ჩვენ მშვიდად განვიგრძობთ კამპანიას და "ნაციონალურ მოძრაობას" აუცილებლად დავამარცხებთ," - განუცხადა ალასანიამ ჟურნალისტებს.

"ლეიბორისტები" კომერციული ბანკების პოლიტიკას აპროტესტებენ

"ლეიბორისტების" წარმომადგენელმა შესახებ სოსო შატგერაძემ ეროვნულ ბანკთან გამართულ აქციაზე ეროვნული ბანკის ხელმძღვანელობას მოსთხოვა, საჯარო გახადოს ინფორმაცია კომერციული ბანკების ტოპ-მენეჯერების შემოსავლების შესახებ. შატგერაძემ ბანკებს, თანამშრომლებისთვის მაღალი ხელფასებისა და ბონუსების გაცემის ნაცვლად, კრედიტებზე საპროცენტო განაკვეთების შემცირებისკენ მოუწოდა.

"ლეიბორისტების" განცხადებით, იპოთეკური სესხების გადახდელთა გამო 20 ათასმა ადამიანმა უკვე დაკარგა საცხოვრებელი.

ქართულმა პროექტმა 37 პროექტს შორის გაიმარჯვა

საქართველოში პირველად ჯანდაცვის საუკეთესო პროექტი განხორციელდა. პირველი ლედის სანდრა რულოვის პატრონაჟით ჩატარებულმა ჯანსაღი ცხოვრების პოპულარიზაციის კამპანიამ ევროპის 37 ქვეყანაში განხორციელებულ პროექტებს შორის პირველი ადგილი დაიკავა.

პროექტი "დონი ვორი ბი ჰელსი" სამი მიმართულებით მიმდინარეობდა - თამბაქოს მოხმარების შეზღუდვა, ჯანსაღი კვებისა და ცხოვრების ჯანსაღი ჩვევების პროპაგანდა. პროექტის მონაწილეები გუშინ პირველმა ლედამ და საქართველოში ევროკავშირის ელჩმა ფილიპ დიმიტროვმა დააჯილდოვეს.

"ქრისტიან-დემოკრატები" წინასაარჩევნო პროგრამას მოსახლეობასთან ერთად წერენ

პარტიის პრესამსახურის ცნობით, აჭარის უმაღლესი საბჭოს ფრაქცია "ქრისტიან-დემოკრატების" თავმჯდომარე ნუგზარ ფუტყარაძე, საკრებულოს "ქრისტიან-დემოკრატ" წევრ ვაჟა ვერულიძესთან ერთად, ბათუმში, ზვიად გამსახურდიას ქუჩის მცხოვრებლებს შეხვდა. შეხვედრის მთავარი მიზანი წინასაარჩევნო პროგრამის დაწერაში მოსახლეობის ჩართვა იყო.

"ჩვენ ახლებურად ვუდგებით წინასაარჩევნო პროგრამის შედგენას. პროგრამას ვწერთ ხალხთან ერთად. ჩვენ მოვიცავთ ყველა სოფელს, ყველა თემს, ყველა ქუჩას, სადაც ხელი მიგინვდება. მოსახლეობას გავაცნობთ ჩვენს ხედვებს, მოვისმენთ მათ წინადადებებს და ამის მიხედვით ჩამოვყალიბებთ აჭარის უმაღლესი საბჭოს არჩევნებისთვის "ქრისტიან-დემოკრატიული" მოძრაობის წინასაარჩევნო პროგრამას," - აღნიშნა ფუტყარაძემ.

News.ge-ის ინფორმაციით, საარჩევნო პროგრამის ეკონომიკურ ნაწილზე უფრო დაწვრილებით ვაჟა ვერულიძემ ისაუბრა. მისი განცხადებით, ცალკეული პოლიტიკური პარტიების მიერ მოსახლეობის წინასაარჩევნო დაფინანსება ვერ გადაჭრის მათ პრობლემას. ვერულიძის თქმით, საჭიროა ისეთი მექანიზმის შექმნა, რომელიც ქვეყანას კრიზისიდან გამოიყვანს. პირველ რიგში კი, აუცილებლად უნდა გადაიხედოს საგადასახადო სისტემა და შევიდეს მასში ისეთი ცვლილებები, რომელიც ბიზნესით დაკავებულ ადამიანებს საქმიანობას გაუადვილებს.

ბენარალ დუმბაძის მკვლელობა - გამოძიება მოტივის არ ასახელებს

2008 წელს რუსეთ-საქართველოს ომის დროს, რუსული მხარის მოთხოვნით, ქართველ სამხედროებზე გაცვლილი და ცოტა ხნის წინ მოსკოვის ცენტრში მოკლული ქართველი გენერლის რომან დუმბაძის საქმე გაიხსნა.

ლეს რომან დუმბაძე და 17 წლით პატიმრობა მიუსაჯეს. გენერალი დუმბაძე მის მიმართ გამოქმნულ ბრალდებებს უარყოფდა.

"მე უდანაშაულო ვარ, საქართველოსთვის არასდროს მიღალატია," - აცხადებდა თავად დუმბაძე.

2008 წელს, რუსეთ-საქართველოს ომის დროს, პატიმარი რომან დუმბაძე, რუსეთის არმიის გენერალ ბორისოვის მოთხოვნით, რუსების მიერ დატყვევებული 12 ქართველ სამხედროზე გაიცვალა და რუსმა სამხედროებმა იგი მოსკოვში წაიყვანეს. 2010 წელს რუსეთის პრეზიდენტმა მას რუსეთის მოქალაქეობა უბოძა.

48 წლის რომან დუმბაძე საკუთარ სახლთან ახლოს, რუბლიოვსკაიას გზატკეცილზე, 21 მაისს მოკლეს. თავდამსხმელები მოტოციკლით იყვნენ; მათ დუმბაძეს რამდენიმე ტყვია ესროლეს, საკონტროლო გასროლაც გააკეთეს და გაიქცნენ. სასიკვ-

დილოდ დაჭრილი რომან დუმბაძე შემთხვევის ადგილზევე გარდაიცვალა.

გამოძიების თავდაპირველი ვერსიით, ქილერები რომან დუმბაძეს კარგა ხანს უთვალთვალებდნენ.

გუშინ რუსულმა მედიამ გაავრცელა ინფორმაცია, რომ რუსმა სამართალდამცველებმა დააკავეს გენერალ რომან დუმბაძის მკვლელობაში ეჭვმიტანილები. სამართალდამცველებმა მოწმის სტატუსით დაკითხეს 26 წლის მიხეილ ტონია. მისი ოჯახის წევრების განცხადებით, ტონიას ჰქონდა ვინმე თორნიკე კვირიკაშვილთან დაკავშირებით, მათივე თქმით, კვირიკაშვილი პერიოდულად ცხოვრობდა ტონიას სახლში და იქ საკუთარ ნივთებსაც ინახავდა. ტონიას დედის განცხადებით, გამოძიება დაინტერესდა კვირიკაშვილის ავტობილით, რომელიც მან ტონიას საცხოვრებელი კორპუსის ეზოში დატოვა.

გამოძიების მონაცემებით, დაკავებულები დაქორავებული ქილერები არიან და მათ კავშირი აქვთ მოსკოვის ტერიტორიაზე მომხდარ რამდენიმე გახმაურებულ დანაშაულთან.

რუსული მედია წერს, რომ ბანდის ერთი წევრი, 48 წლის მამაკაცი, სამართალდამცველებმა "ფრონტოვიკების" მეზაღვივების ამხანაგობაში დააკავეს. მან აღიარა, რომ გადაჰყავდა ქილერი, რომელიც დუმბაძეს შიდაჯერ ესროლა. მან სამართალდამცველებს აჩვენა იარაღის სამალავი. გამოძიების ვერსიით, კიდევ ერთი დაკავებული დუმბაძის გადაადგილებას ადევნებდა თვალს და მართავდა მოვლენებს.

გავრცელებული ინფორმაციით, შემკვეთმა ქილერებს დუმბაძის მკვლელობისთვის 150 ათასი დოლარი გადაუხადა, თუმცა გამოძიება ჯერ-ჯერობით არაფერს ამბობს მკვლელობის მოტივისა და დაკავებულთა ვინაობის შესახებ.

პაკისტანი ნატო-ს გზას კვლავ უხსნის

ამერიკის სახელმწიფო მდივანმა ჰილარი კლინტონმა განაცხადა, რომ პაკისტანი კვლავ გახსნის იმ გზას, რომელსაც ამერიკა და მისი მოკავშირეები ავღანეთში მყოფი სამხედროების მომარაგებისათვის იყენებენ. კლინტონმა, აგრეთვე, ბოდიში მოიხადა ნოემბრის ინციდენტის გამო, რომლის შემდეგაც პაკისტანმა კოალიციის ძალებისათვის ამ უმნიშვნელოვანესი გზის ჩაკეტვის გადაწყვეტილება მიიღო. 2011 წლის ნოემბერში ავღანეთ-პაკისტანის საზღვარზე ნატო-ს მიერ განხორციელებულ საჰაერო იერიშს 24 პაკისტანელი სამხედრო ემსხვერპლა.

კლინტონის ამ განცხადებამდე, საკითხის მოსაგვარებლად ერთმანეთს შეხვდნენ ავღანეთში ნატო-სა და ამერიკის კონტინენტის სარდალი, გენერალი ჯონ ალენი და პაკისტანის სამხედრო მალაჩინოსანი. შეხვედრაზე პაკისტანის მხარემ, გზის გახსნის სანაცვლოდ, ნოემბრის ინციდენტის გამო ბოდიშის მოხდა მოითხოვა. პაკისტანის ელჩმა ამერიკაში შერი რეჰმანმა განაცხადა, რომ აფასებს კლინტონის განცხადებას. მან იმედი გამოთქვა, რომ "ორ ქვეყანას შორის ურთიერთობა გაუმჯობესდება."

პაკისტანის ინფორმაციის მინისტრმა ქამარ ზამან კანმა "სი-ენ-ენ"-თან საუბრისას აღნიშნა, რომ, სავარაუდოდ, გზის გახსნას ოპოზიციური პარტიების დიდი წინააღმდეგობა მოჰყვება, "თუმცა იმედია, პაკისტანელი ხალხი მათ არ მოუხმენს."

გერმანიაში ამერიკის ერთ-ერთი უძველესი რუკა აღმოაჩინეს

გერმანიაში აღმოაჩინეს მსოფლიო რუკის ადრე უცნობი, მე-16 საუკუნის გეგმპლანარი. ის ერთ-ერთი პირველია, რომელშიც ფიგურირებს კონტინენტი სახელწოდებით "ამერიკა." აქამდე კარტოგრაფ მარტინ ვალდზემიულის რუკების სულ ოთხი გეგმპლანარი იყო ცნობილი, თუმცა მიუნხენის უნივერსიტეტის მკვლევარებმა მესამე გეგმპლანარსაც მიაგნეს, რომელიც "ამერიკის დაბადებზე" მიუთითებს.

"ყველა მტკიცებულებით, ეს მეორე გამოცემა და უნიკალური რუკაა," - განაცხადა მიუნხენის უნივერსიტეტის უძველესი ნივთების განყოფილების ხელმძღვანელმა სვენ კულტენმა. გერმანელმა მკვლევარებმა გუშინ, 4 ივლისს - ამერიკის დამოუკიდებლობის დღეს ინტერნეტში რუკის ელექტრონული ვერსია განათავსეს.

ირანს ნავთობის ახალი მარაგი გამოუჩნდა

ირანის ნავთობის მინისტრმა როსტამ ქასემმა განაცხადა, რომ ირანის სამხრეთ-დასავლეთ ნაწილში არსებულ საბადოებში 6 მილიარდი ბარელის მოცულობის ნავთობის მარაგი აღმოჩნდა. მინისტრის განცხადებით, რეზერვი ხუზესტანის პროვინციაში იადაგოანის ნავთობის საბადოში აღმოაჩინეს. "ამ ახალი აღმოჩენის შედეგად ქვეყნის ნავთობის რეზერვი 6 მილიარდი ბარელით გაიზარდა," - აღნიშნავს ქასემი. ადრე ცნობილი იყო, რომ ირანის ნავთობისა და გაზის რეზერვი 154,8 მილიარდ ბარელს უდრიდა, ახალი აღმოჩენის შედეგად კი ეს რაოდენობა 160 მილიარდ ბარელამდე გაიზარდა.

3 მარტს ირანელმა მალაჩინოსანმა მაჰმუდ მოდასმა განაცხადა, რომ ხუზესტანის პროვინციაში ნავთობის დიდი საბადო აღმოაჩინეს მალაი ხარისხის ბუნებრივი რესურსებით.

ივნისში ირანმა კასპიის ზღვაში ახალი საბადოს აღმოჩენის შესახებ გამოაცხადა, რომელიც ქვეყნის პრეზიდენტ მაჰმუდ აჰმადინეჯადის თქმით, რეგიონში "პოლიტიკურ და ენერგეტიკულ ბალანსს შეცვლიდა." თუმცა, რეგიონის ექსპერტის ალექს ჯექსონის თქმით, აღნიშნული საბადო იმ წყლებში მდებარეობს, რომელზე პრეტენზიასაც აზერბაიჯანი აცხადებს. ირანს საბადოს ზუსტი ადგილმდებარეობა არ დაუსახელებია, თუმცა განაცხადა, რომ ის რუდარის ჩრდილოეთით, გილანის პროვინციიდან 188 კმ-ში და ნეკას ჩრდილო-დასავლეთით 250 კმ-ში მდებარეობს. ამ კოორდინატებში გათვალისწინებით, საბადო იმ ადგილს ემთხვევა, რომელსაც აზერბაიჯანი თავისი ტერიტორიული წყლების სამხრეთ საზღვრად მიიჩნევს. თუ ირანის განცხადება მართალი აღმოჩნდა, ჯექსონი მიიჩნევს, რომ აზერბაიჯანთან სასაზღვრო დავა გარდაუვალი გახდება.

რუსეთის საგარეო ვალი ნახევარწლიდან 7,3 პროცენტით გაიზარდა

რუსეთის ბანკის მონაცემებით, 2012 წლის პირველ ნახევარში რუსეთის ფედერაციის საგარეო ვალი 7,3 პროცენტით გაიზარდა. 1 იანვრიდან 1 ივლისის ჩათვლით ვალის რაოდენობა 39,783 მილიარდი დოლარით გაიზარდა. ამ დროისათვის ქვეყნის საგარეო ვალი მთლიანობაში 585,133 მილიარდ დოლარს შეადგენს.

ავღანეთის არმიის ფორმირება მამაკაცმა ნატო-ს ხუთი ჯარისკაცი დაჭრა

ჩრდილოატლანტიკური ალიანსის განცხადებით, დღეს ავღანეთის არმიის ფორმაში გადაცემულმა მამაკაცმა ნატო-ს ხუთი სამხედრო დაჭრა. თავდასხმა ქაბულის აღმოსავლეთით, ვარდაკის პროვინციაში არსებულ ნატო-ს ბაზაზე მოხდა. დაჭრილები, სავარაუდოდ, ამერიკის მოქალაქეები არიან. მსგავსი ტიპის თავდასხმას მხოლოდ ამ წელიწადში ნატო-ს ოცი სამხედრო ემსხვერპლა. 2014 წლის ბოლოსათვის ავღანეთის ნატო-ს ჯარისკის უმრავლესობა დატოვებს. გუშინ ცნობილი გახდა, რომ პაკისტანი ავღანეთში ალიანსის ჯარების მომარაგებისათვის უმნიშვნელოვანეს გზას გახსნის.

მომავლად თამთა კახაძემ

არეულობა უკრაინაში სახელმწიფო ენის დასაცავად

პირველი გავრცელება

სიტუაცია სერიოზულად დაიძაბა. ოპოზიცია კენჭისყრას უკანონოს უწოდებს და ბოიკოტით იმუქრება. გუშინ პრეზიდენტმა იანუკოვიჩმა დაგეგმილი პრესკონფერენციაც გადადო, რომელზეც ნახევარი წლის შედეგები უნდა შეეჯამებინა. უმაღლესი რადას სპიკერმა ვლადიმირ ლიტვინმა და მისმა მოადგილემ (ოპოზიციიდან) ნიკოლაი ტომენკომ გააკეთეს განცხადებები გადადგომის თაობაზე. ლიტვინი კანონპროექტის ხელმოწერაზე უარს ამბობს.

ამ კანონის პირველი მოსმენით მიღების წინაც იყო რაღაც ხელჩართული ჩხუბი და მაშინ ოპოზიციამ კენჭისყრის ჩაშლა შეძლო. მოგვიანებით, 5 ივნისს მმართველმა "რეგიონების პარტიამ" მისი პირველი მოსმენით მიღება მაინც მოახერხა - მათ პარლამენტში, მოკავშირეებთან ერთად, უმრავლესობა აქვთ (ამ ყველაფრის თაობაზე დანერვილებით წერდა "24 საათი"). კანონი ითვალისწინებს "რეგიონული ენების" შემოღებას. ეს სტატუსი შეიძლება მიენიჭოს უკრაინაში მცხოვრები ნებისმიერი უმცირესობის ენას, თუ კონკრეტული რეგიონის ტერიტორიაზე ისინი მოსახლეობის 10 პროცენტს მაინც შეადგენენ. რეალურად კი ეს ნიშნავს, რომ რუსული ენა მიიღებს ამ სტატუსს უკრაინის 27 ოლქიდან 13-ში, უფრო კონკრეტულად, ქვეყნის აღმოსავლეთში, სამხრეთ-სა და დედაქალაქ კიევიშიც. ამ რეგიონებში სახელმწიფო ენასთან, უკრაინულთან ერთად, დაშვებული იქნება რუსული ენის გამოყენება, ფაქტობრივად, ყველა სფეროში, მათ შორის, საქმის წარმოებაში. მოქალაქის სერვისების შემთხვევაში შესაძლებელი იქნება რუსულად ჩანაწერის გაკეთება პასპორტშიც (უკრაინულთან ერთად). "რეგიონულ ენაზე" სიტყვით გამოსვლის უფლება ექნება უმაღლესი რადას ნევრსაც, ოღონდ აპარატმა მისი სინქრონული თარგმანი უნდა უზრუნველყოს. რეალურად კი ეს ნიშნავს, რომ უკრაინაში მცხოვრებ ეთნიკურ რუსებს და რუსულენოვან მოსახლეობას აღარ ექნება სახელმწიფო ენის სწავლის აუცილებლობა. ოპოზიცია ამტკიცებს, რომ ეს ქვეყანაში დაპირისპირებას და ქვეყნის "სცო-



იანუკოვიჩის საგანგებო შეხვედრა მომხრეებთან

ცავ რუსიფიკაციას" გამოიწვევს. კანონი უმაღლეს რადაში მოტყუებით, დღის წესრიგში წინასწარ შეტანის გარეშე დააყენეს კენჭისყრაზე. ჯერ კიდევ ხმის მიცემის წინა დღეს პარლამენტის სპიკერი ვლადიმირ ლიტვინი აცხადებდა, რომ კანონში 2000-მდე შესწორება შეტანილი, საჭიროა მათი მუხლობრივი განხილვა და ის ჯერ მეორე მოსმენით კენჭისყრაზე ვერ დადგება. ლიტვინი თავისი მცირერიცხოვანი ფრაქციით მმართველი ძალის მოკავშირედ კი მიიჩნევდა, მაგრამ ამ კანონის მიღების კატეგორიული წინააღმდეგი იყო. 3 ივლისს ის არც ესწრაფოდა სხდომას, რომელზეც მისმა პირველმა მოადგილემ, კომუნისტმა ადამ მარტინი უკმა კანონი კენჭისყრაზე მოულოდნელად დააყენა. კანონის მეორე მოსმენით კენჭისყრაზე დაყენებას მხარი დაუჭირა 219 დეპუტატმა საჭირო 226-ის ნაცვლად. ოპოზიციის წარმომადგენლები ტრიბუნას ეცნენ, მაგრამ მისასვლელები რეგიონების პარტიის წარმომადგენლებს წინასწარ ჰქონდათ ბლოკირებული. ოპოზიციონერებმა მაინც მოახერხეს წამყვანის მიკროფონამდე მიღწევა, მათ შორის, ფრაქცია "ნაშა უკრაინა ნაროდნაია სამოპორონას" წევრის ანდრეი პარუბისთვის ნეკენების ჩამტვრევის ფასად და მარტინი უკს მიკროფონი გამოგლიჯეს, მაგრამ მან სპიკერის - ლიტვინის მიკროფონთან გადაინაცვლა და კანონპროექ-

ტი კენჭისყრაზე დააყენა. პირველ ცდაზე ხმების მორგებება ვერ მოხერხდა და მხოლოდ მეორედ კენჭისყრისას მოხერხდა საჭირო "კანონის მიღება". ამისთვის უმრავლესობამ იმ დეპუტატების (მათ შორის, ოპოზიციის წარმომადგენლების) პულტებიც გამოიყენა, რომლებიც დარბაზში და ზოგი ქვეყანაშიც კი არ იმყოფებოდნენ. მოკლედ, დაირღვა რეგლამენტიც და თვით კენჭისყრის შესახებ კანონიც. ოპოზიცია კანონს მიღებულად არ მიიჩნევს და გამოითიბას მოითხოვს. გუშინ გვიან საღამოს დეპუტატთა ნაწილმა სხვადასხვა ფრაქციებიდან მათ მიერ მიცემული ხმები უკან "გამოიწვია". სამშაბათსვე კიევის ცენტრში "უკრაინულ სახლთან", სადაც გუშინ პრეზიდენტ იანუკოვიჩის პრესკონფერენცია უნდა გამართულიყო, ხალხი შეიკრიბა. სხვადასხვა მონაცემებით, იქ 500-დან რამდენიმე ათასამდე კაცი იყო. ხალხმა შენობასთან მთელი ღამე გაატარა. სპეცრაზმმა "ბერკუტმა" ორჯერ თუ სამჯერ ცცადა მათი დაშლა, მაგრამ ვერ მოახერხა და უკან დაიხია. შეტაკებისას დაშავდნენ რამდენიმე სამართალდამცველები, ასევე საპროტესტო აქციის წარმომადგენლებიც, მათ შორის, ოპოზიციური პარტია "უდარის" ერთ-ერთი ლიდერი, ცნობილი მოკრივე ვიტალი კლიჩკოც. მან დაზიანება მიიღო ცრემლსადენი გაზით და შემდეგ მცირე ჭრილობა

ხელზე შუშის ნამტვრევებით. იანუკოვიჩის პრესკონფერენცია გაურკვეველი ვადით გადაიდო. შეკრებილი ხალხი ამ ცნობას შეხვდა კმაყოფილი შეძახილებით "შმიშარა". პრეზიდენტი გუშინ შეხვდა პარლამენტის ფრაქციების ხელმძღვანელებს, მაგრამ იქ მხოლოდ მისი მომხრეები მივიდნენ. ოპოზიცია ცალკე შეხვედრას მოითხოვს, თან პირდაპირ ეთერში. იანუკოვიჩმა ფრაქციების ხელმძღვანელებთან შეხვედრისას არ გამოიცილა უმაღლესი რადას ვადამდელი არჩევნების დანიშვნის საკითხიც (ასეთი მოთხოვნები გუშინ უკვე გაისმა), მაგრამ მხოლოდ კონსულტაციების წარუმატებლად დამთავრების შემდეგ, როგორც კრიზისის მოგვარების უკანასკნელი ვარიანტი. გუშინვე ექსპრეზიდენტმა ვიქტორ იუშჩენკომ გააკეთა განცხადება, რომელშიც ახალ კანონს ქვეყნის ერთიანობისთვის საშიში დოკუმენტი უწოდა. მანვე გაუსვა ხაზი დარღვევებს და განაცხადა, რომ ამას არ შეიძლება ხელი მოაწეროს პრეზიდენტმა. იუშჩენკომ იმედი გამოთქვა, რომ ამ ფაქტით გამოწვეული საპროტესტო ტალღა ხალხში აღარ ჩაქრება. გუშინვე დედაქალაქის ადმინისტრაციის სარჩელის საფუძველზე სასამართლომ ქალაქის ცენტრში ხალხს შეკრება აუკრძალა. ამ განცხადებების საფუძველი ვერ დეტალურად მითითებული არ არის.

სახიფათო მანევრები სპარსეთის ყურეში

პირველი გავრცელება

ცოტა ხნის წინ რეგიონში ასევე გაიგზავნა ანტისარაკეტო თავდაცვის ავიამობილი, რომელსაც ბალისტიკური რაკეტების განადგურებაც შეუძლია. სპარსეთის ყურეში ასევე იმყოფება მცურავი დოკი "პონისი", რომელიც საჭიროების შემთხვევაში მცურავი ჰოსპიტლისა და სადესანტო ხომალდის ფუნქციასაც შეითავსებს. გარდა ამისა, გაზაფხულზე ამერიკის შეერთებული შტატების სამხედრო-საჰაერო ძალების ახლოაღმოსავლურ ბაზებზე თანამედროვე ტექნოლოგიებით აღჭურვილი "ეფ-22" კლასის უჩინარი თვითმფრინავებისა და შედარებით ძველი "ეფ-15" კლასის თვითმფრინავების გადასროლაც მოხდა.

რეგოლუციის გუშავთა საბჭომ სამშაბათს სემანის უდაბნოში რამდენიმე ბალისტიკური რაკეტა გამოცდა, მათ შორის, რაკეტა და შორი მოქმედების რადიუსისა. ამით შეეცადა დაერწმუნებინა ისრაელი და ამერიკის შეერთებული შტატები, რომ ისლამურ რესპუბლიკაზე დარტყმისგან თავი უნდა შეიკავონ. ირანის სახელმწიფო ტელევიზიის მიერ გავრცელებული ცნობებით, ახალ რაკეტებს სამიზნის განადგურება 1 300 კილომეტრის სიშორეზე შეუძლია, რაც იმას ნიშნავს, რომ საჭიროების შემთხვევაში რაკეტები ისრაელის ტერიტორიამდეც მიადნეს. ოფიციალური თეირანის

განმარტებით, ირანზე ნებისმიერი აგრესიის გამოვლინების საპასუხოდ ისრაელი ისლამური რესპუბლიკისგან ადეკვატურ პასუხს მიიღებს. ისრაელმა რამდენიმე კვირის წინ ლიად განაცხადა, რომ თუ დასავლეთის დიპლომატიური ძალებისმეშველ სასურველ შედეგს არ გამოიღებს, არ არის გამორიცხული, ისრაელმა ირანის წინააღმდეგ ძალაუ გამოიყენოს. პრობლემატური საკითხზე განცხადება ოფიციალურმა ვაშინგტონმაც გააკეთა, კერძოდ, ამერიკის შეერთებული შტატები არ დაუშვებს ირანის მიერ ორმუხის სრუტის ჩაკეტვას. "ჩვენ უკვე წლებია საკმაოდ ღიად და მკაფიოდ ვაცხადებთ, რომ ყველაფერს გავაკეთებთ იმისთვის, რატა ორმუხის სრუტის ღია მდგომარეობაში ყოფნა უზრუნველყოფილი იქნება. განაცხადა ამერიკის შეერთებული შტატების სახელმწიფო დეპარტამენტის ოფიციალურმა წარმომადგენელმა ვიქტორია ნუნიანდამ. მისი თქმით, ოფიციალური ვაშინგტონი შემოფოთებულია იმის გამო, რომ ირანმა რაკეტებზე ბირთვული ქობინები არ დაამატა.

თავად ირანის საინფორმაციო სააგენტო "ფარსი" კი ავრცელებს ინფორმაციას, რომ ქვეყანა მზადაა განადგუროს ახლომდებარე ამერიკული სამხედრო ბაზები და იერიში მიიტანოს ისრაელზე. "ზომები უკვე მიღებულია და ჩვენ შეგვიძლია იერიშის პირველივე წუთებშივე გავანადგუროთ ბაზები," - განაცხადა რეგოლუციის გუშავთა საბჭოს გენერალმა ამი ალი ჰაჯიზადემ. ვითარების გამწვავება სპარსეთის ყურეში, სამხედრო მანევრების გარდა, ირანის წინააღმდეგ ევროკავშირის მიერ დაწესებული სანქციების 1 ივლისიდან სრული მასშტაბით ამოქმედებამაც გამოიწვია. ცოტა ხნის წინ ირანის პარლამენტში ახალ კანონპროექტზე დაიწყეს მუშაობა, რომლის დამტკიცების შემთხვევაში ისლამური რესპუბლიკა ორმუხის სრუტის ჩაკეტვით იმუქრება. ორმუხის სრუტე სპარსეთის ყურედან ღია კუიანგუმი ერთადერთი გასასვლელია. მისი მუშევრებით ნავთობის საზღვაო ექსპორტის 40 პროცენტის გადინება ხდება. სამშაბათს სტამბულში ბოლო ოთხი თვის განმავლობაში "ექვსეულსა" და თეირანს შორის მოლაპარაკებათა პროცესის მეორე რაუნდი გაიმართა, მაგრამ, წინამორბედების მსგავსად, ისიც მნიშვნელოვანი შედეგის გარეშე დასრულდა. მხარეები კვლავ კონსულტაციების გაგრძელებაზე შეთანხმდნენ.

როგორ მოხვდით დოკუმენტური ფილმი

ეროვნული კინოცენტრი Docstories Black Sea-ს უორქშოფს მასპინძლობს

ნა შაქვა

თითქმის ერთი თვეა ქართულ გაქირავებაში ნანა ჯანელიძის "ნეტავი იქ თეატრი არის?" გამოვიდა. ამ ფაქტს ჩვეულებრივ ამბად ჩავთვლიდით, რომ არა ის დეტალი, რომ ფილმი დოკუმენტურია, ამრიგად, მისი დიდ ეკრანზე გამოსვლა ერთგვარ პრეცედენტს წარმოადგენს. დოკუმენტური ფილმები ჩვენთან გაქირავებაში არ გამოდის, თუმცა ამ ჟანრის მაყურებელიც არსებობს. სწორედ დოკუმენტური კინოს განვითარების საკითხს ემსახურება საქართველოს ეროვნული კინოცენტრის მორიგი პროექტი Docstories Black Sea ანუ "თხრობა დოკუმენტურ ფილმში."

აღნიშნული პროექტი უორქშოფის სახით მიმდინარეობს - მას 2-დან 6 ივლისის ჩათვლით გოეთეს ინსტიტუტი მასპინძლობს და შავი ზღვის რეგიონში შემოქმედებითი და ინოვაციური დოკუმენტური კინოპროექტების განვითარებას ემსახურება. თბილისში სტუმრად იმყოფებიან ევროპის კინობაზარზე მომუშავე გამოცდილი ექსპერტები და კინორეჟისორები, რომლებიც უორქშოფის მონაწილეებს მათი პროექტების გაანალიზებასა და საერთაშორისო სტანდარტების შესაბამისად განვითარებაში ეხმარებიან. მსგავსი ტიპის უორქშოფებსა და სემინარებს კინოცენტრი დიდი ხანია მხატვრული კინოს განვითარების კუთხით ატარებს (Mini Eave,

რობერტ ბოშის ფონდის პროგრამები და სხვა), ახლა კი დოკუმენტური კინოს ჯერი დადგა.

უორქშოფის ორგანიზებაში ჩართული არიან პარტნიორები სამი ქვეყნიდან: IDFA (ამსტერდამის საერთაშორისო დოკუმენტური ფილმების ფესტივალი), Art-Doc (რუმინეთი) და Noosfera Foundation (საქართველო). უორქშოფს კი ესწრებიან კინოდოკუმენტალისტები, პროდიუსერები, იდეის ავტორები და მედიაში მომუშავე პროფესიონალები საქართველოდან, სომხეთიდან, აზერბაიჯანიდან, რუმინეთიდან, თურქეთიდან, რუსეთიდან, მოლდავეთიდან, უკრაინიდან და ბელორუსიდან. Docstories Black Sea-ს უორქშოფი სამი ძირითადი სესიისგან შედგება: პირველი სესია, რომელსაც თბილისი მასპინძლობს, როგორც გითხარით, უკვე მიმდინარეობს და 6 ივლისს დასრულდება. სესია დოკუმენტური პროექტების თხრობის სტრუქტურასა და დრამატურგიული განვითარების საკითხებს ეძღვნება; მეორე სესია 16-20 ოქტომბერს რუმინეთის ქალაქ სიბიუშია დაგეგმილი, სადაც უორქშოფი Astra Film Festival-ის ფარგლებში გაიმართება. აქ, პროექტების განვითარებასთან ერთად, ყურადღება დაეთმობა ინოვაციურ დოკუმენტურ ფორმატებს ინტერნეტისა და ტელევიზიისთვის; მესამე სესიის მასპინძელ ქალაქად ამსტერდამი არჩეული, სადაც 15-19 ნოემბერს IDFA და IDFA Academy-ს მონაწილეობით დაფინანსების, კომ-



როდუქციისა და დისტრიბუციის შესაძლებლობებს განიხილავენ. უორქშოფის მონაწილეებს შესაძლებლობა ექნებათ, საკუთარი პროექტები ევროპის მნიშვნელოვან ფესტივალზე წარადგინონ და დისტრიბუტორებს, პროდიუსერებსა თუ სხვადასხვა საერთაშორისო ფონდების წარმომადგენლებს გააცნონ. გარდა ამისა, მონაწილეები IDFA Academy-ს მიერ ორგანიზებულ ღონისძიებებსა და მასტერკლასებს დაესწრებიან.

თამარ ტატიშვილი, ეროვნული კინოცენტრის დირექტორი: "ბოლო ორი წელია კინოცენტრი სერიოზულად მუშაობს დოკუმენტური კინოს განვითარებაზე და ეტაპობრივად ეს ჟანრი უფრო პრიორიტეტული გახდება. ჩვენი ისტორიაც და რეალობაც დოკუმენტურ კინოს უამრავ საინტერესო თემას სთავაზობს, ამიტომ ეს ჟანრი ნამდვილად შეიძლება გახდეს ტრენდი, რომელიც საქართველოს მსოფლიო კინო-

ნოპალიტრაზე მასშტაბურად წარმოაჩენს. მსგავსი რამ დანიაში 10-12 წლის წინ მოხდა, სწორედ დოკუმენტური კინოს განვითარებამ მისცა მხატვრულ კინოს მნიშვნელოვანი ბიძგი. მსგავსი ტენდენცია შეინიშნება აზიურ კინემატოგრაფშიც. დოკუმენტური კინოს განვითარების ერთ-ერთი მიმართულებაა თბილისის კინოფესტივალის ფარგლებში არსებული Pitch Doc, სადაც კინოდოკუმენტალისტები საკუთარ პროექტებს წარადგენენ. კინოცენტრის მხრიდან კი თემატური შეზღუდვა არ არსებობს, რადგან სულ უბრალო თემაც ძალიან კარგი კინოპროექტად შეიძლება იქცეს. ამრიგად, ყველაფერი უნდა გავაკეთოთ იმისთვის, რომ, რაც შეიძლება, მეტ საინტერესო თემას მივცეთ განვითარების საშუალება."

სალომე ჯაში, კინოდოკუმენტალისტი: "უორქშოფი აქცენტირებულია ფილმის სტრუქტურისა და ამბის თხრობის განვითარებაზე ანუ გავსწავლიან, როგორ უნდა მოვეყვით ამბავი. ძალიან კარგია, როდესაც პროექტზე მუშაობისას ე.წ. მეორე თვალი გყავს, რომელიც პროფესიონალურ შენიშვნებს გაძლევს და საინტერესო აქცენტებს სვამს. ამ უორქშოფის ყველა მონაწილეს ჩვენი პროექტები გვაქვს მოტანილი და ერთმანეთს მათ განვითარებაში ვეხმარებით. ფაქტია, რომ რაც უნდა კარგი ისტორია გქონდეს, თუ ის მაყურებლისთვის საინტერესოდ არაა მოთხრობილი, ფილმი წარმატებას ვერ მოიპოვებს."

ლუარსაბ II არქივებში

იუსტიციის სამინისტროს ეროვნული არქივი ქართლის მეფე ლუარსაბ II-ის ხსენების დღე ამ მეფესთან დაკავშირებული ისტორიული დოკუმენტების მიმოხილვას მიუძღვნა. ლუარსაბ II (1592-1622) 14 წლის, 1606 წელს, მამის, გიორგი X-ის უეცარი გარდაცვალების შემდეგ გამეფდა. 1614 წელს, როდესაც მეფე ლუარსაბი თბილისში მყოფ ირანის შაჰს ქართლის აოხრებისაგან დასახსნელად ეწვია, შაჰ-აბას I-მა იგი საპყრობილეში ჩასვა. მეფეს შაჰმა გამაჰმადიანება მოსთხოვა, რაზეც ვერ დაიყოლია. 8-წლიანი ტყვეობის შემდეგ ლუარსაბ II შაჰის ბრძანებით ციხეში მოკლეს. საქართველოს ეკლესიამ მამულისა და სარწმუნოებისათვის თავდადებული მეფე წმინდანად შერაცხა. მისი ხსენების დღეა 4 ივლისი. ეროვნული არქივის ძველ საბუთთა განყოფილებაში დაცული მასალა მეფე ლუარსაბზე მცირეა, მაგრამ შთამბეჭდავი. ქვემოთ წარმოდგენილ ნუსხაში კარგად ჩანს მეფე ლუარსაბის მოღვაწეობის მრავალფეროვნება: ზრუნვა ნასოფლარების აღდგენაზე, ვაჭრობის განვითარებაზე, ეკლესიის გაძლიერებაზე, როგორც საქართველოში, ისე იერუსალიმის ქართული ეკლესიებისა და სხვა.



ხშირად ქართლის მეფეები მეფე ლუარსაბის მიერ გაცემულ სიგელების საფუძველზე ამტკიცებდნენ განაჩენებს და ანახლებდნენ წყალობისა და შეწირულების წიგნებს. ქართულ ხელნაწერთა კოლექციაში ინახება არაერთი დოკუმენტი, მათ შორის მნიშვნელოვანია რამდენიმე: 1. XVIII საუკუნე. კრებული. თავნაკული. ნუსხური. პირველი ოთხი ფურცელი ეძღვნება მეფე ლუარსაბს - წმ. ლუარსაბ მეფის სვინაქსალური ცხოვრება და ლიტურგიკული მსახურება. - "ქუეყანათა ზენა განსწავლებს სავანეთა, ყოფადთა მცნობი, ბრძენი და ახოვანი მეფე ლუარსაბ დღეს იდიდებოდენ ... რომელმან მოგწყვდნეს თქუენ,

ჰკონებდეს ვითარმედ მსხუერპლი შეწირა ღმერთსა". 2. XIX საუკუნის დასაწყისი. კრებული. მხედრული. წამება წმინდისა და ნეტარის მეფისა ლუარსაბისი (1622 წ.) - "ან, ვახსენოთ წამება წმინდისა და დიდებულისა ლუარსაბ მეფისა, რომელი იქმნა წამება ამისი უსჯულოისა მეფისა მიერ შაჰ-აბაზის მიერ". 3. 1839 წელი. ანტონ კათალიკოსი - მცირე ქართლის ცხოვრება. სიტყვა მეათორმეტე - ლუარსაბის მეფობისა დასაბამსა იყო ფრიად მძლავრება სპარსთა საქართველოთა ზედა, გარნა ლუარსაბის მეფობასა შინა

ვერცარა მძლავრება სპარსთა საქართველოთა ზედა". ძველი ქართული საბუთების დედნების კოლექცია: 4. 1608 წლის. 29 ივლისი. მამულის წყალობის წიგნი მეფე ლუარსაბისა ბოქაულთუხუცეს დავითისადმი. უწყალობა ზემო ქართლში მდებარე სოფელი აბანო თავისი "სამართლიანის სამძღურითა". 5. 1609 წლის 14 თებერვალი. ადგილმამულის წყალობის განახლების წიგნი მეფე ლუარსაბისა გორელი ვაჭრის მამუკა მესხასატურაშვილისადმი. ერთგული სამსახურისათვის უწყალობა სახლი თავისი

არემარეთი, ქულბაქები (მცირე ზომის დუქანი, რომელიც ბაზრის ტერიტორიაზე მდებარეობდა) და სამთვლიანი ნისკვილები. მეფე საბუთს ამტკიცებს ბეჭდითა და ხელრთვით. მოგვიანებით 1641 წ. იგივე საბუთს ამტკიცებენ მეფე როსტომი და დედოფალი მარიამი. 6. 1613 წელი მამულის წყალობის წიგნი მეფე ლუარსაბისა ასპან ამირეჯიბისადმი. ერთგულებისათვის უწყალობა ნალუღში მდებარე მამულები. ძველი ქართული საბუთების პირების კოლექცია: 7. 1607 წელი. ბრძანება მეფე ლუარსაბისა, სიონის

ღმრთისმშობლის ეკლესიის ყმების საბალახესაგან (პირუტყვის საძოვრის გადასახადი) გათავისუფლების შესახებ. 8. 1608 წელი. ნასოფლარ ტანძუტის წყალობის წიგნი მეფე ლუარსაბისა გოგობაშვილისადმი. გარდა ამისა უწყალობა სომხეთში (საბარათიანო) მცხოვრები ორი კომლი გლეხი. 9. 1608 წელი. სითარხნის (გადასახადებისაგან გათავისუფლება) წიგნი მეფე ლუარსაბისა და დედოფალ თამარისა წმ. გიორგის ბოზნახველი ყმებისადმი. 10. 1609 წელი. სოფლის წყალობის წიგნი მეფე ლუარსაბისა ქაიხოსრო ბარათაშვილისადმი. უწყალობა ვახტანგ ბატონიშვილის ნაქონი სოფელი კრკონი ქვემისხვეში. 11. 1610 წელი კათალიკოსმა ზებუნდემ მეფე ლუარსაბის ნებართვით ჯვარისმტვირთველ დავით ელიოზის ძე გედევანიშვილს უბოძა ერედვში მცხოვრები ყმა თავისი მამულით. 12. 1611 წელი. ყმების შეწირულების წიგნი დედოფალ თამარისა (მეფე ლუარსაბის დედა) სვეტიცხოველისადმი, რათა ელოცათ ლუარსაბის კეთილდღეობისათვის. 13. 1613 წელი. სოფლების თერგისისა და სოლალაშენის შეწირულების წიგნი მეფე ლუარსაბისა იერუსალიმის ქრისტეს საფლავის ეკლესიისადმი. შეწირა თავისი დის ხორეშანის ქორწინებასთან დაკავშირებით საკანონოდ (ცოდვის მოსანანიებელი გადასახადი). 14. 1641 წელი. სასახლის გალავნისა და მამულის წყალობის განახლების წიგნი მეფე როსტომისა გორელი ვაჭრის ალიხანა ქიქილასვილისადმი. განუახლა მეფე ლუარსაბის მიერ გაცემული წყალობა. 15. 1689 წელი. განაჩენი იოთამიშვილებსა და არემიშვილებს შორის სოფელ ვარხუნის საზღვრებზე დავის შესახებ. შერმაინა იოთამიშვილმა სასამართლოში წარადგინა მეფე ლუარსაბის მიერ დამტკიცებული განაჩენი, რის საფუძველზეც მოხდა სამართლის აღსრულება.

მსოფლიო ბაზარზე ხორბლის ფასი გაიზარდა

სოფო ანხაძე



მსოფლიო ბაზარზე ხორბლის ფასი გაზრდილია. ექსპერტები ამის მიზეზად

მარცვლეულის საერთაშორისო კომიტეტის მიერ გამოქვეყნებულ მონაცემებს ასახელებენ. კომიტეტი ხორბლის მოსავლის ყოველთვიურ პროგნოზს აკეთებს. ივლისის თვეში მათ ივნისთან შედარებით პროგნოზი 6 მილიონი ტონით შეამცირეს. მსოფლიო ბაზარზე ხორბლის ფასი გასული ერთი თვის განმავლობაში სტაბილური იყო. უფრო ადრე, მაისის მეორე ნახევარში კი ფასმა აპრილის თვესთან შედარებით 18 პროცენტით მოიმატა და ერთ კვირაში მხოლოდ 4 პროცენტით შემცირდა.

ბოლო თვეებში ხორბლის ფასი, წინასწარი პროგნოზით, ძირითადად მცირდება, რის მიზეზადაც ხორბლის მსხვილ მწარმოებელ ქვეყნებში არსებული არახელსაყრელი კლიმატური პირობები სახელდება.

ივნისში, მაისთან შედარებით, ხორბლის მოსავლის წინასწარი პროგნოზი 5 მილიონი ტონით ნაკლები იყო და 171 მილიონი ტონა შეადგინა. ივლისის თვეში კი, როგორც აღვნიშნეთ, კომიტეტმა პროგნოზი კიდევ 6 მილიონი ტონით შეამცირა. ახლა, 2012-2013 მარკეტინგულ წლებში მსოფლიოს მასშტაბით 165 მილიონი ტონა ხორბლის მოსავლის აღებაა ნავარაუდები. "როგორც მარცვლეულის საერთაშორისო კომიტეტის წინასწარ მონაცემებშია აღნიშნული, მოსავლიანობის მხრივ აშშ-სა და ევროკავშირის ქვეყნებში კარგი მდგომარეობაა, თუმცა რუსეთში კლიმატური პირობები ცუდი იყო და სწორედ ამ ფაქტორმა განაპირობა პროგნოზის შემცირება. ნელს სტავროპოლისა და კრასნოდარის მხარეში ბევრად ნაკლები მოსავალი იქნება, ვიდრე ელოდნენ, მაგრამ ის ხარისხობრივად მაღალია. კრასნოდარში 3 მილიონი ტონით ნაკლებ მოსავალს აიღებენ. მინდა გითხრათ, რომ ხორბლის ყოველთვიურ პროგნოზს თავად რუსეთიც აკეთებს. ივნისის დასაწყისში ისინი 94 მილიონი ტონა ხორბლის აღებას გეგმავდნენ, ამ თვის მონაცემებით კი მაჩვენებელი 85 მილიონ

ტონამდე შეამცირეს," - აცხადებს საქართველოს ხორბლისა და პურ-პროდუქტების ასოციაციის აღმასრულებელი დირექტორი ლევან სილაგავა.

მსოფლიოში ხორბლის მსხვილ, ჩიკაგოსა და პარიზის ბირჟებზე ვაჭრობა ყოველდღიურად მიმდინარეობს. ხორბლის ფასის განსაზღვრისას ერთ-ერთი ფუნდამენტური ფაქტორი კლიმატური პირობებია. მოსავლისთვის არახელსაყრელი კლიმატის შემთხვევაში ხორბლის თვითღირებულება იზრდება. ხორბლის ფასის დადგენისას ასევე ყურადღება ექცევა დაბინავებული მოსავლის დარჩენილ მარაგს. ფასებზე სხვა ფაქტორებიც მოქმედებს - მაგალითად, ვალუტის კურსი, ეკონომიკური კრიზისი და ა.შ.

მარცვლეულის საერთაშორისო კომიტეტის წინასწარი პროგნოზის გამოქვეყნებამდე ჩიკაგოს ბირჟაზე ერთი ტონა ხორბალი 283 დოლარი იქნა, პარიზში - 295 დოლარი. პროგნოზის გაცხადების შემდეგ კი ტონა ხორბალი ჩიკაგოში - 6 დოლარით, პარიზში - თითქმის 10 დოლარით გაძვირდა. "როდესაც ხორბლის მოსავლის ყოველთვიური პროგნოზი მცირდება, ბირჟებზე პირველი რეაქცია ყოველთვის ასეთია. ფასი იზრდება, თუმცა შემდეგ ნელ-ნელა სტაბილურდე-

ბა. თუ რაიმე დიდი კატაკლიზმები არ მოხდა, ეს ფასი თვის განმავლობაში შენარჩუნდება," - გვითხრა ლევან სილაგავამ.

ხორბლის მსხვილი მწარმოებელი ქვეყნები არიან: აშშ, კანადა, ავსტრალია, არგენტინა, რუსეთი, ყაზახეთი და უკრაინა. წინასწარი პროგნოზით, ნელს ამ ქვეყნებში მოსავალი გასულ წელთან შედარებით ნაკლები იქნება, მაგრამ, სპეციალისტთა აზრით, არა ისეთი მცირე, რომ ხორბლის საერთაშორისო ფასზე დიდი გავლენა მოახდინოს.

საქართველო წლის მანძილზე 800 ათას ტონამდე ხორბალს მოიხმარს, მისი უდიდესი ნაწილი, 85-90 პროცენტი კი იმპორტირებულია; შესაბამისად, ქვეყანაში პურ-პროდუქტების ფასზე ხორბლის საერთაშორისო ტარიფი პირდაპირ გავლენას ახდენს, თუმცა მსოფლიო ტენდენციის მიუხედავად, ქართველი სპეციალისტები აცხადებენ, რომ მინიმუმ სექტემბრამდე საქართველოში პურ-პროდუქტებზე ფასის მატება მოსალოდნელი არ არის.

საქართველო წლების მანძილზე, ძირითადად, რუსულ, უკრაინულ და ყაზახურ ხორბალს მოიხმარდა. აპრილის შუა რიცხვებამდე რუსული და ყაზახური ხორბლის იმპორტის ახორციელებდა. ბოლო თვეებში ფასის განმავლობაში კი ქართულ ბა-

ზარზე მხოლოდ ყაზახური ხორბალი შემოდის.

აღსანიშნავია, რომ ხორბლის მარკეტინგული წელი პირველ ივნისს მთავრდება. 1011-2012 მარკეტინგულ წელს კი მსოფლიოში და, მათ შორის, იმ ქვეყნებში, საიდანაც ძირითადად ქართული ბაზარი მარაგდება, საკმაოდ მაღალი მოსავალი იყო.

მოსავლის აღებას ყაზახეთი სექტემბერში იწყებს. ქვეყანას გასული წლის მოსავალი კიდევ დარჩენილი აქვს და ვინაიდან დიდი მარაგებისთვის შესაბამისი ელევატორები არ გააჩნიათ, იძულებულნი არიან, ძველი ხორბალი გაყიდონ და ახალი მოსავლის დასაბინავებლად მოემზადონ. "ახლა ყაზახეთს ექსპორტზე კიდევ მილიონ-ნახევარი ტონა ხორბლის გატანა შეუძლია. ეს გვაძლევს საშუალებას, რომ ყაზახეთიდან ხორბალი უახლოესი თვეების განმავლობაში ისევ იმ ფასად მივიღოთ, რა თანხასაც ახლა ვიხდით. საქართველოს საზღვრამდე მოტანილი ყაზახური ხორბლის ფასი 260-270 დოლარია. ეს საკმაოდ კარგი ფასია. ყაზახეთი აცხადებენ, რომ მსოფლიო ტენდენციის მიუხედავად, ისინი ფასს გაზრდას არ აპირებენ, რადგანაც შესაძლებელია ელევატორებს ათავისუფლებენ, რომ სექტემბრისთვის

ახალი მოსავალი დააბინაონ. სექტემბრიდან კი ყაზახური ხორბლის ფასი, ალბათ, მსოფლიო ფასს გაუთანაბრდება... რაც შეეხება რუსული ხორბლის ფასს, იქ დღეისათვის ხორბლის სასტარტო ტარიფი 300-320 დოლარს შეადგენს. ამას ემატება ტრანსპორტირების ხარჯები. მინდა გითხრათ, რომ ყაზახური ხორბალი ხარისხით რუსულს არ ჩამოუვარდება," - ამბობს ლევან სილაგავა.

ექსპერტების განცხადებით, საქართველოში პურ-პროდუქტების გაძვირებაზე საუბარი მას შემდეგ შეიძლება დაიწყო, თუკი ტომარა ფქვილის ფასი 40 ლარს გადასცდება, თუმცა, მათივე თქმით, ახლა ამის საშიშროება არ არის.

დღეისათვის ქართულ წისქვილ-კომბინატებში დამუშავებული პირველი ხარისხის ერთი ტომარა (50-კილოგრამიანი) ფქვილის ფასი 30-დან 33 ლარამდე მერყეობს. ის ბოლო პერიოდში არ გაზრდილა. ფქვილის ფასი იმაზე დაბალია, თუ როგორი ტექნოლოგიით არის დამუშავებული და სად ყიდულობს მომხმარებელი. "მინდა გითხრათ, რომ ერთი ტომარა ფქვილის 7-10 ლარით გაძვირება უახლოეს პერიოდში, მინიმუმ სექტემბრამდე მოსალოდნელი არ არის. 7-10 ლარი საკმაოდ დიდი ციფრია, ასე რომ, ტომარა ფქვილის გაძვირების შიში არ უნდა გვქონდეს. საქართველომ 300-320 ლარადაც რომ შეისყიდოს ერთი ტონა ხორბალი, ეს ტომარა ფქვილის გაძვირებას არ გამოიწვევს," - აცხადებს საქართველოს ხორბლისა და პურ-პროდუქტების ასოციაციის აღმასრულებელი დირექტორი.

ქართულ ხორბალს რაც შეეხება, ნელს 100-120 ათასი ტონა ხორბლის აღებაა ნავარაუდები. მოსავლის აღება 2 კვირის წინ დაიწყო და სექტემბრის შუა რიცხვებში დასრულდება. იმპორტის სახით კი ქვეყანაში 650 ათას ტონამდე ხორბალი შემოდის.

ამჟამად ქართული ბაზარი დღე-ღამე 1500 ტონა ფქვილს მოიხმარს, თუმცა ადგილობრივი წისქვილკომბინატების სიმძლავრე ორჯერ მეტია. ქართულ წისქვილკომბინატებში ახლა არსებული ხორბლის მარაგი თვე-ნახევარზეა გათვლილი.

საქართველოს საინვესტიციო პოტენციალის პრეზენტაცია ირანში

ენიო ნარაქაშაშვილი

საქართველოს საინვესტიციო შესაძლებლობების ადგილზე გაცნობის მიზნით, ირანული მხარის გადამწყვეტილებით, ირანული კომპანიების რამდენიმე ჯგუფი ეტაპობრივად ჩამოვა საქართველოში. პირველი ჯგუფი იმ ირანული კომპანიებით დაკომპლექტდება, რომლებიც დაინტერესებულნი არიან საქართველოს სოფლის მეურნეობაში ინვესტიციების განხორციელებით. ასეთი გადამწყვეტილება იქნა მიღებული რამდენიმე დღის წინ, ირანის ქალაქ მემშედში გამართულ საქართველოს საელჩოს, ადგილობრივი ხელისუფლების, სავაჭრო-სამრეწველო და კოოპერაციული გაერთიანებათა პალატების შეხვედრაზე. მემშედში საქართველოს ეკონომიკური და საინვესტიციო პოტენციალის წარმომადგენლობითი პრეზენტაცია გამართა, რომელსაც გუბერნატორის ადმინისტრაციის, მემშედის მერიის, სავაჭრო-სამრეწველო და კოოპერაციული გაერთიანებათა პალატების ხელმძღვანელები და 200-მდე ადგილობრივი მენარმე დაესწრო.

პრეზენტაციაზე წარმოდგენილი იქნა საქართველოს ეკონომიკური და საინვესტიციო პოტენციალის ამსახველი ვიდეოკლიპები, დარიგდა ბროშურები. დამსწრე საზოგადოებას მიენიჭა ინფორმაცია საქართველოში ბიზნესსაქმიანობისა და ინვესტირებისათვის შექმნილი ხელსაყრელი პირობების და არსებული საინვესტიციო პროექტების შესახებ.

ამასთან, 29 ივნისს ირანული ავიაკომპანია "Ata Airlines"-ის მიერ განხორციელდა პირველი პირდაპირი საჰაერო რეისი მემშედიდან თბილისის მიმართულებით. აღნიშნული რეისი ზაფხულის განმავლობაში კვირაში ერთხელ შესრულდება. პირველი რეისით "მემშედი-თბილისი" საქართველოში 100-მდე ირანელი ტურისტი უკვე გაემგზავრა.

აღსანიშნავია, რომ 2010 წელს საქართველომ ირანთან სავაჭრო რეჟიმში გააუქმა და ინტერესიც ამის შემდეგ გაჩნდა. კერძოდ, გაიზარდა ირანული ინვესტიციები უძრავ ქონებაში და საცალო ვაჭრობის, ტურიზმის, ტრანსპორტისა და რესტორნების ბიზნესში ერთობლივი საწარმოები შეიქმნა. მართალია, ირანული ინვესტიციების მოცულობა

საქართველოს ძირითადი ინვესტორი ქვეყნების მაჩვენებლებს მნიშვნელოვნად ჩამორჩება, თუმცა ზრდა თვალშისაცემია. მიმდინარე წლის პირველ კვარტალში 247 ათასი დოლარის ირანული ინვესტიცია განხორციელდა, რაც 2011 წლის მთლიან მონაცემს მნიშვნელოვნად აღემატება. ამავდროულად, საქართველოში ყოველწლიურად იზრდება ირანული ტურისტების რიცხვი.

საქართველოს ეროვნული სტატისტიკური სამსახურის მონაცემების მიხედვით, 2012 წლის პირველ სამ თვეში საქართველოს ირანის 13600 მოქალაქე ესტუმრა, რაც 91 პროცენტით აღემატება წინა წლების ანალოგიური პერიოდების მაჩვენებლებს.

2012 წლის პირველ ნახევარში კი საქართველოში, საერთო ჯამში, 9 000 ირანელი ტურისტი ეწვია, რაც გასული წლის იგივე პერიოდთან მიმართებაში ორჯერ მეტია.

თვითონ ირანელი ტურისტების აზრი საქართველოზე სხვადასხვაგვარია. ზოგი ამბობს, რომ საქართველო - ევროპაა და აქ საქმეები ადვილად გვარდება, ხოლო მეორე ნაწილი ბანკების მხრიდან უყურადღებო-

ბასა და შეზღუდვებზე საუბრობს.

ირანული კომპანიები საქართველოს ბიზნესგარემოს დადებითად აფასებენ. რაც შეეხება საქართველოსა და ირანს შორის ეკონომიკური ურთიერთობების სტატისტიკას, ის შემდეგნაირად გამოიყურება: ირანის პირდაპირმა უცხოურმა ინვესტიციებმა 2010 წელს თავის პიკს მიაღწია და 1,1 მილიონი აშშ დოლარი შეადგინა - ხუთჯერ მეტი, ვიდრე 2009 წელს, თუმცა ამერიკული ინვესტიციების მოცულობაზე 29-ჯერ ნაკლები; იმპორტის მოცულობა 2011 წელს, როდესაც საქართველოსა და ირანის მოქალაქეთათვის სავიზო რეჟიმი გაუქმდა, გაიზარდა 10 მილიონი აშშ დოლარით, მიაღწია 65 მილიონ აშშ დოლარს, მაგრამ ექსპორტმა მხოლოდ 16,2 მილიონი აშშ დოლარი შეადგინა.

საქართველოს სტატისტიკის ეროვნული სამსახურის ინფორმაციით, საქართველო-ირანის სავაჭრო ბრუნვაში 2012 წლის იანვარ-აპრილში 22,6 მილიონი აშშ დოლარი შეადგინა, მათ შორის, ექსპორტმა - 1,6 მილიონი აშშ დოლარი, იმპორტმა კი - 21 მილიონი აშშ დოლარი. გასულ წელს ექსპორტი - 16,2 მილიონ აშშ

დოლარზე, იმპორტი კი 64,8 მილიონ აშშ დოლარზე დაფიქსირდა.

საინტერესოა ევროპული გამოცემა BNE-ს მიერ გამოქვეყნებული მასალა, სადაც ნათქვამია, რომ "თბილისის განხილვა პოლიტიკამ ირანთან მიმართებაში, შესაძლებელია, უსაფრთხოების რისკები გაზარდოს. საქართველოს ინტერესების დაბალანსება უხდება, რადგან ირანულ კომპანიებზე სანქციების დაწესების ერთ-ერთი ინიციატორი საქართველოს სტრატეგიული პარტნიორი აშშ-ა. საერთაშორისო სანქციები ძირითადად ირანულ ბანკებს და ენერგეტიკულ კომპანიებს შეეხო, ამიტომ უახლოეს პერიოდში სწორედ მათი გააქტიურებაა მოსალოდნელი."

აღსანიშნავია, რომ ირანული კომპანიების მხრიდან საქართველოს მიმართ ინტერესი მიმდინარე წლის მაისში ქართულ და ირანულ სავაჭრო პალატებს შორის გამართულ შეხვედრაზეც გამოითქვა. მაშინ ირანული კომპანიები ტრანსპორტის, წარმოების, სოფლის მეურნეობის და საბანკო სექტორში ინვესტიციების განხორციელებით დაინტერესდნენ.

ვინ მიდის ფარულიასთან?

პირველი გვერდიდან

"ატლანტაში" დენი ფერი მივიდა. კარგი მოთამაშე, კარგი ფუნქციონერი და სასიამოვნო მოსაუბრე. "ჰოქსის" ორგანიზაციამ დენის გენერალური მენეჯერის პიჯაკი ათხოვა და თუ მისტერ ფერი შედეგს მოიტანს, ჯიბის ფულად რამდენიმე მილიონ დოლარსაც დაუტოვებენ.

ადრე, ლებრონის დროს, ფერი "კლივლენდის" გენერალური მენეჯერი იყო. შვიდი წლის წინ რამდენიმე საინტერესო და მოქნილი ტრანსფერი განახორციელა. გუნდმა გახსნა ბანკი და მრავალწლიანი კონტრაქტებით დაიტოვა, დაიმატა, ნამოიყვანა ჟიდრუნას ილგაუსკასი, დონიელ მარშალი და ლარი ჰიუზი. ილგაუსკასი კლივლენდში პოპულარული ბიჭი იყო და ლიტველი გიგანტის იმპოტენცია სიყვარულით გადაიფარა. დონი მარშალი იმ მომენტში მეექვსე კაცია და ფერისგან პირველი ხუთეულის ლიდერის ხელფასს იღებს. დენიმ აქ შეცდომა დაუშვა. ლარი ჰიუზი ცუდი გუნდის ცუდი ალენ აივერსონი იყო. ჰიუზმა ჯანმრთელი გუნდი მოწამლა. ჰიუზთან ერთად "კლივლენდი" შეიცვალა. გუნდური გუნდი დაიშალა. ფერის პიჯაკი წაართვეს, რბილი სავარძელი გამოაცალეს, "სექსი პლაჟზე" არ შეარგეს და გააგდეს. დენი დაბრუნდა სან ანტონიოში, გრეგ პოპოვიჩთან. დღეს დენი ატლანტაში ახალ "ატლანტას" კრავს.

"ატლანტამ" გაუშვა ჯო ჯონსონი და ბევრი მილიონი დოლარი დაზოგა. მისტერ ჯონსონი მიდის "ბრუკლინში" მიხაილ პროხოროვთან. "ჰოქსში" დაიძრა პატარა ურემი, რომელზეც ენტონი მოროუ, ჯორდან ფარმარი, დემონ სტივენსონი, იოჰან პეტრო და ჯორდან უილიამსი შეაგდეს. "ატლანტამ" ნორმალური ბიჭები მიიღო და პროხოროვმა რეალური შიტიმენი დაირტყა. ცოტა გაცვეთილი და მოხუცი (31), მაგრამ მაინც შემსრულებელი.

ჯონსონმა ბრუკლინში მიმდინარე კონტრაქტი წაიღო. პროხოროვის შტაბმა მსროლელს შემდეგ ოთხ სეზონში 90 მილიონი დოლარი უნდა გადაურიცხოს. შთამბეჭდავი კუშია. ჯონსონისთვის შთამბეჭდავი. "ატლანტა" უჯონსონოდ უფრო მოქნილი სატრანსფერო მანქანა გახდა. დენი ფერიმ კიდევ ერთი ტრანსფერი მოაგვარა - "ატლანტამ" ფორვარდი მარვინ უილიამსი "იუტას" მისცა და კარგი ფლეიმიქერი, დევიდ ჰა-



"ატლანტამ" ჯო ჯონსონი გაცვალა

რისი მიიღო. სტანდარტული, კლასიკური გაცვლა. სტანდარტული, უინტერესო პერსპექტივით. უილიამსი "ჰოქსში" ბალასტი იყო და ჰარისმა ძირითადი პირველი ნომერი, ჯეფ ტიგი უნდა დაასვენოს. ფერიმ პროცესში მოიგო - ჰარისს მიმდინარე კონტრაქტით ერთ სეზონში 8.5 მილიონი აქვს ასაღებო. უილიამსი ორწლიანი ბიჭია, რომელიც გუნდის საბანკო ანგარიშს 15.8 მილიონი დოლარით შეამსუბუქებდა. კარგი გაცვლაა.

ჯონსონით და დერონ უილიამსის ახალი, ასმილიონიანი კონტრაქტით, "ბრუკლინი" დუაიტ ჰოვარდზე ვერ იჩალიჩებს. ყოველ შემთხვევაში, ძალიან გაუჭირდება. ჰოვარდის თემა აქტუალურია ატლანტაში. შემდეგ სეზონში გუნდს საბანკო ანგარიშზე დაახლოებით 24 მილიონი დოლარი ექნება. თავისუფალი, დასახარჯი 24 მილიონი. ჰოვარდი ერთ სეზონში დაახლოებით 27 მილიონს ითხოვს. დუაიტი 27 მილიონი არ ღირს და ითხოვს. უცენტრული იგავში ჰოვარდი უილტ ჩემბერლენი, ქარიმი, შაკი და ბილ რასელია. "ატლანტამ" უნდა გარისკოს და ჰოვარდს ყველაფერი მისცეს, რასაც დუაიტი მოითხოვს. პროცესში, თუ "ორლანდომ" გაცვლა მოითხოვს, "ატლანტას" ჰოვარდში გემრიელ ტვიქსს გაცვლის - ფორვარდ/ცენტრი ალ ჰორფორდი

და პირველი ნომერი ჯეფ ტიგი. "ორლანდოსთვის" ნორმალური ვარიანტი.

პარალელურად, "ბრუკლინი" 40 მილიონით დაიტოვა ჯერალდ უოლასი. 50 მილიონს გუნდი ბრუკ ლოპესში გადაიხდის. ლოპესი ვერ ქაჩავს ჰოვარდამდე და მაინც ნორმალური, მოქნილი ცენტრია. ცოტას ხსნის, საერთოდ ვერავის ვერ უფარებს და უნდა ითამაშოს. "ბრუკლინი" საინტერესო ბენდი იქნება. ვიღაცამ სოლო უნდა შეუბეროს და სოლოსტი დერონ უილიამსი იქნება. დერონი უფრო საქსოფონისტი იქნება. პროხოროვის კოტონ ქლაბში კარგი ჯაზი წავა.

ეს "ატლანტაც" ადრე, შვიდი წლის წინ მოიყვანეს აზრზე. 2005-ში დენი ფერიმ ლებრონ ჯეიმსს ძვირი ბალასტი აჩუქა. 2005-ში "ატლანტამ" "ფინიქსიდან" ჯო ჯონსონი წამოიყვანა და ჯეკპოტი მოხსნა. იდეაში, უნდა მოეხსნა და რეალურად გუნდმა ბევრი მილიონი დოლარი და შვიდი სეზონი ემელონის ვარსკვლავი იყო და კობი ბრაიანტის ხელფასზე იჯდა. უხერხული თემაა. 2005-ში "ატლანტამ" უფრო ცუდი სვლა გააკეთა და დრაფტზე მარვინ უილიამსი აირჩია. იქვე იყო კრის პოლ და "ჰოქსის" ბოსებმა უილიამსს გაუცინეს. უილიამსმა "ჰოქსის" ბოსებს თვალი ჩაუკრა და ერთჯერადმა ბიჭმა მრავალჯერადი კონ-

ტრაქტი მიიღო.

"ატლანტაში" ახალი ერა იწყება. ერა მაიკ ბიბის პენსიონერი ნუნუსის, ჯონსონის ნუნკი ქეითინისა და ჯომ სმიტის ტრანსფერზე ჭორაობის გარეშე. სმიტი გუნდში რჩება, ნაკლებ სამიანს გაუშვებს და მოუმატებს. ბიჭი ლიდერი იქნება. ალ ჰორფორდთან ერთად. თუ ბოსები და დენი ფერი ჰორფორდს ჰოვარდის ტრანსფერში არ ჩაადგებენ. სმიტი აუცილებლად "ატლანტაში" დარჩება. თუ გუნდი ჯეფ ტიგსაც შეინარჩუნებს, ფლეიმიქერს შემდეგ სეზონში ახალ კონტრაქტს გაუფორმებენ. სეზონში 7 მილიონად ტიგის დატოვება ნორმალურია.

ახალი "ატლანტა" კარგი გუნდია. უჰოვარდოდ და იმ ბიჭებთან ერთად, ვინც ბოსებმა მოინონეს. New Hawks.

პატარები - ჯეფ ტიგი, დევიდ ჰარისი, ჯონ ჯენკინსი, ჯორდან ფარმარი (რომლის კონტრაქტს გუნდი იყიდის და ჯორდანს გაუშვებენ), ენტონი მოროუ და დემონ სტივენსონი.

ფორვარდები - ჯომ სმიტი, ჯორდან უილიამსი, იოჰან პეტრო, აივენ ჯონსონი, მაიკ სკოტი.

ცენტრები - ალ ჰორფორდი, ზაზა ფაჩულია.

"ატლანტას" იდეალური სასტარტო ხუთეული - ჰარისი, ტიგი, სმიტი, ჰორფორდი და ზაზა ფაჩულია. ჰარისი მეორე ნომერზე და ჰორფორდი - მეოთხეზე. ზაზამ იცენტროს და სმიტმა პრობლემები მოაგვაროს. საინტერესო ხუთეულია. რეალურად საინტერესო. შემოვლენ ჯონსონი, მოროუ და ჯენკინსი. ახალი "ატლანტა" უფრო სწრაფი, ერუდირებული კალათბურთით მოიგებს. ზაზაც მეტ წუთს მიიღებს.

თუ ატლანტაში მისტერ ჰორვარდი არ წავა.

"ატლანტაში" რალაცები შეიცვალა. დიმიდ ბოსებმა პერსპექტივაზე ილაპარაკეს და წავიდა გაცვლები. ზაზა ფაჩულიას ატლანტაში ახალი "ატლანტა" დახვდება. ძველზე უკეთესი თუ უარესი, სხვა თემაა. უბრალოდ, ახალი და ამ "ჰოქსის" მომავალში ჩვენი ცენტრიც ჯდება. ზაზა საქართველოს ნაკრებთან ერთად საქმეს გააკეთებს, ბოსიებს და ლატვიებს წაესპარინგება და მერე რეალური გარჩევები დაიწყება. გარჩევები ამერიკული რესტორნის ელემენტებით. ერთი-ერთზე გარჩევები და ფაჩულიამ მეტი დრო უნდა მიიღოს. მიიღებს კიდევ.

განსაკუთრებული კასილასი

ყველა, ვისაც უკანასკნელი ხუთი წლის განმავლობაში "ფურია როხას" თამაში უნახავს, იტყვის, რომ ესპანეთის ნაკრები ფეხბურთის ისტორიაში ერთ-ერთი საუკეთესო გუნდია. თუ გავითვალისწინებთ ადამიანის, განსაკუთრებით კი სპორტსმენების ბუნებას, შეიძლება ვიფიქროთ, რომ ესპანეთის ნაკრების ფეხბურთელები ამპარტავანი და ნარცისიზმი შეპყრობილი ხალხია. თუ ეს ასეა, გასაკვირი არ უნდა იყოს. ჯერ ერთი კვირაც არ გასულა, რაც ამ გუნდის ფეხბურთელებმა ზედიზედ მეორედ მოიგეს ევროპის ჩემპიონატი და ამ ორ ტრიუმფს შორის მსოფლიო ჩემპიონის ტიტულიც მოიგეს.

მაგრამ არა, ნარცისიზმი და ამპარტავნება ესპანეთის ნაკრების ფეხბურთელებისთვის უცხოა. ყოველ შემთხვევაში, "ფურია როხას" კაპიტანი იკერ კასილასი, რომელსაც კარიერის განმავლობაში ყველა შესაძლო ტიტული აქვს მოგებული, ამისგან შორს დგას და, დიდ ფეხბურთელთან ერთად, დიდი პიროვნებაც ყოფილა.

კვირას, ესპანეთ-იტალიის მატჩის მიწურულს, როდესაც ანგარიში უკვე 4:0 იყო ესპანელთა სასარგებლოდ და იტალიელთათვის მინდორზე გატარებული ყოველი წუთი წამებად იქცა, კასილასი მატჩის ერთ-ერთ არბიტრთან მივიდა და სთხოვა, რომ მსაჯებს პატივი ეცათ იტალიის ნაკრებისთვის და მატჩისთვის დრო აღარ დაემატებინათ.

დაეხმარება თუ არა ფედერეი მოშიშვლებს

მოშიშვლილთა დახმარების ოქსფორდის კომიტეტი შესაძლოა 100 ათასი გირვანქით გამიძღვრდეს, თუ ქველმოქმედი მეფისონის მიერ 2003 წელს დადებული ფსონი გამარჯობდა. 2003 წელს ოქსფორდში მცხოვრებმა ნიკ ნიულა-იფმა ტოტალიზატორში 1,5 ათასი გირვანქა დადო იმაზე, რომ 2019 წლისთვის როჯერ ფედერერს უიმბლდონის ტურნირი შეეძგურ ექნებოდა მოგებული. მაშინ ამ ფსონზე კოეფიციენტი 1-66-თან იყო.

თავად ნიულაიფი 2009 წელს 59 წლის ასაკში გარდაიცვალა და თავისი ფსონი მოშიშვლილთა დახმარების ოქსფორდის კომიტეტს უანდრედა. "მთელი კომიტეტი ფედერერს გულშემოტყვივობს", - განაცხადა ხსენებული კომიტეტის წარმომადგენელმა. "ეს იყო უნიკალური ფსონი. ეჭვი მეპარება, რომ ასეთი რამ უახლოეს პერიოდში კიდევ ვიხილოთ. თავად ფედერერმა ამ ისტორიის შესახებ უკვე ყველაფერი იცის", - ამბობს გრემ შარპი, რომელმაც თავის დროზე ხსენებული ფსონი მიიღო. შეგახსენებთ, რომ როჯერ ფედერერს უკვე 6-ჯერ აქვს მოგებული უიმბლდონი. გაუშინ როჯერი უიმბლდონის მეოთხედიანალი რუს მიხაილ იუჟენის შეხვდა.

ესპანეთი პირველია, საქართველო - 97-ე

გამოქვეყნდა ფიფა კოკა-კოლას ივლისის რეიტინგი, რომელშიც საქართველოს ნაკრები 97-ე ადგილს იკავებს. 2014 წლის მსოფლიო ჩემპიონატის შეასრევე ციკლში საქართველოს ნაკრებს ესპანეთის, საფრანგეთის, ფინეთისა და ბელარუსის გუნდების წინააღმდეგ მოუწევს თამაში. ოთხზე გუნდი რეიტინგში ჩვეს წინაა. ესპანელები კი, ვისთანაც 11 სექტემბერს თბილისში გვაქვს მატჩი გასამართი, დამაჯერებლად ლიდებობენ რეიტინგს.

- | | |
|---------------------|-----------------------|
| 1.ესპანეთი - 1691 | 2.გერმანია - 1502 |
| 3.ურუგვაი - 1297 | 4.ინგლისი - 1294 |
| 5.პორტუგალია - 1213 | 6.იტალია - 1192 |
| 7.არგენტინა - 1095 | 8.პოლანდია - 1079 |
| 9.ხორვატია - 1050 | 10.დანია - 1017 |
| 11.ბრაზილია - 1012 | 12.საბერძნეთი - 1003 |
| 13.რუსეთი - 981 | 14.საფრანგეთი - 980 |
| 15.ჩილე - 961 | 16.კოტ დ'ივუარი - 939 |
| 17.შვედეთი - 909 | 18.ჩეხეთი - 854 |
| 19.მექსიკა - 832 | 20.იაპონია - 829 |
| 74.ფინეთი - 458 | 77.ბელარუსი - 447 |
| 97.საქართველო - 357 | |

დი ნატალე "უდინეზეში" რჩება

იტალიის ნაკრების თავდამსხმელმა ანტონიო დი ნატალემ "უდინეზსთან" ხელშეკრულება გააგრძელა. ახალი შეთანხმებით, დი ნატალე კლუბში დარჩება 2014 წლის 30 ივნისამდე. ამჟამინდელი ხელშეკრულება კი მომავალი სეზონის ბოლომდე იყო გათვალისწინებული.

ამუჟანგ-მორბენალს ოლიმპიურ ესტაფეტაზე ელიან

სამხრეთაფრიკელი ოსკარ პისტორიუსი პირველი ამპუტანტ-მორბენალია, რომელსაც ოლიმპიურ თამაშებზე აისპარეზობის საშუალება მიეცემა. სამხრეთ აფრიკის ეროვნული ოლიმპიური კომიტეტის გუმიდელი გადაწყვეტილებით პისტორიუსი ლონდონის ოლიმპიური თამაშებისთვის 4X400 მეტრზე საესტაფეტო განაცხადში შევიდა. "ჩემი ცხოვრების უბედნიერესი წუთები მიდგას. ლონდონში ვიასპარეზებ როგორც ოლიმპიურ ისე პარალიმპიურ თამაშებზე! ყველას დიდი მადლობა, ვინც ასეთ სპორტსმენად ჩამომამყალიბა. ღმერთის, ოჯახის, მეგობრების, მეტოქეების თუ მხარდამჭერების ყველა მადლობელი ვარ", - "ტივტივში" ემოციებს ვერ ფარავდა ოსკარ პისტორიუსი, რომელიც საასპარეზოდ პლასტიკური პროთეზის კიდურებს იყენებს.

25 წლის პისტორიუსი ჰქონდა მცდელობა პირად პირველობებშიც ეასპარეზა, მაგრამ ოლიმპიური ნორმატივი ვერ შეასრულა.

შარშან ტეგუს (კორეა) მსოფლიო ჩემპიონატზე სამხრეთ აფრიკის საესტაფეტო ნაკრებმა პისტორიუსის გარეშე 4X400 მეტრზე რბენაში ვერცხლის მედლები და იმავდროულად ოლიმპიური ლიცენზიაც დაისაკუთრა. მართალია ოსკარს ფინალურ გარბენში არ უასარეზია, მაგრამ უმედლოდ მაინც არ დარჩენილა - ვერცხლის მედალი საკვალითავე გარბენში მონაწილეობისთვის მასაც ერგო. გულშემოტყვივებისგან "სამართლების პირზე მორბენლად" მონათლული ოსკარი წლელს "ლორეუსის" სპორტის მსოფლიო აკადემიამ შეზღუდული შესაძლებლობების მქონე საუკეთესო სპორტსმენად დაასახელა.

მძლეოსნებმა ოლიმპიური დელეგაცია

ოფიციალურად გაზარდეს

საქართველოს ეროვნული ოლიმპიური კომიტეტის (სეოკი) ლიცენზიანტთა დაფაზე მატებაა. სეოკი-ის პრეზიდენტმა გაია ნაცვლიძემ და საქართველოს მძლეოსნების ფედერაციის ხელმძღვანელმა ალექსანდრე ახვლედიანმა ის ოთხი ლიცენზიანტი წარადგინეს, რომლებიც ლონდონის ოლიმპიურ თამაშებზე იასპარეზებენ.

ასეთები კი არიან სიგრძეზე მხტომელები მაია გოგოლაძე და ბოლესლავ სხირტლაძე, მორბენალი დავით ილარიანი და მაცვი როსევიჩი (ნატურალიზებული პოლონელი სპორტ-

სმენი), რომელიც სპორტულ სიარულში იასპარეზებს.

მართალია, თითოეულმა მათგანმა ლიცენზიები აქამდე მოიპოვეს, მაგრამ ოფიციალურად გაუშინ წარადგინეს.

"დამოუკიდებლობის ისტორიაში მძლეოსნობაში ოლიმპიურ თამაშებზე ოთხი სპორტსმენით არასდროს ვყოფილვართ წარმოდგენილი. მართალი გითხრათ, არც ამჯერად ველოდით რაიმე განსაკუთრებულს, მაგრამ ფედერაციის კარგმა მუშაობამ შედეგი მოიტანა. თუ ამ ტემპით გაგრძელდება მუშაობა, მომავალ ოლიმპიურ თამა-

შებზე გაცილებით მეტი მონაწილე გვეყოლება", - განაცხადა ნაცვლიძემ.

თავის მხრივ ალექსანდრე ახვლედიანმა აღნიშნა, რომ ერთი წლის წინათ ლონდონის ორ ლიცენზიას გეგმავდნენ. ასე რომ, მიღწეულით, უკმაყოფილების საბაბი არ აქვთ. ეგაა, იქვე დანანებით თქვა, რომ არა უიღბლობა, თავისუფლად შეიძლებოდა დამატებით ორი ლიცენზიანტიც გვეყოლებოდა. ფედერაციის პრეზიდენტმა პოლონელ მაცვი როსევიჩთან დაკავშირებით კი ის თქვა, რომ მისგან ლონდონში მინიმუმ

ათეულში შესვლას ელიან.

და ბოლოს, სალიცენზიო სეზონის დასრულებამდე მძლეოსნებს დელეგაციის გაზრდის ერთი მანისიც აქვთ - 6-7 ივლისის ლატვიის სალონდონის ნორმატივის შესრულებას ზურაბ გოგოჭური (სიმაღლეზე ხტომა) და ლაშა ლულელაური (სამხტომი) შეეცდებიან.

დღევანდელი მონაცემებით ლონდონის ოლიმპიურ თამაშებზე საქართველოს ნაკრები 35 სპორტსმენით იასპარეზებს (პეკინის ოლიმპიურ თამაშებზე საქართველოს ნაკრები ასევე 35 სპორტსმენს ითვლიდა).

"მეტალურგი" ევროკაპანინას ალბანური ბარიერით იწყებს

მიხეილ აბაიშვილი



ქუთაისის "ტორპედო" ყაზახეთის "აქტობესთან" შესახვედრად მზადაა

დღეს ორი ქართული კლუბი აიღებს სტარტს უეფას ევროპის ლიგის საკვალიფიკაციო ტურნირში: ქუთაისის "ტორპედო" საკუთარ სტადიონზე ყაზახეთის "აქტობეს" უმასპინძლებს, ხოლო რუსთავის "მეტალურგი" სტუმრად ეთამაშება ალბანეთის "ტეტუსს". "24 საათმა" გუშინდელ გამოცემაში უკვე წარმოგიდგინათ ქუთაისის "ტორპედო" და გააცნოთ ამ გუნდის მთავარი მწვრთნელის, ვია გეგუჩაძის წინასამატჩო კომენტარები. დღეს რუსთაველთა წინასასტუმრო სამზადისზე მოგაწვდით ინფორმაციას.

"მეტალურგმა" ნაყოფიერი სანვრით შეკრება გაიარა სლოვენიაში, სადაც რამდენიმე ამხანაგური მატჩიც ჩაატარა. პირველ საკონტროლო ტესტ-მატჩში კობა ჟორჟიკაშვილის შეგირდებმა სლოვენის ვიცე-ჩემპიონი და ყველაზე პოპულარული გუნდი, ლუბლიანის "ოლიმპია" დაამარცხეს მინიმალური ანგარიშით - 1:0. გოლი რუსთაველთა კაპიტანმა გივი კვარაცხელიამ, კუთხურიდან გათამაშების შემდეგ, თავური დარტყმით გაიტანა.

ასეთივე წარმატებული ვერ გამოდგა დარჩენილი ორი სპარინგი. მეორე შეხვედრაში "მეტალურგი" ხორვატიის უმაღლესი დივიზიონის "რეიკასთან" მინიმალური სხვაობით - 0:1 დამარცხდა. დასკვნით სპარინგშიც, რომელიც რუსთაველთა კლუბმა უკრაინის უმაღლესი ლიგის ბინადარ

"ვორსკლასთან" ჩაატარა, ანალოგიური ანგარიში აღინიშნა, თუმცა, ეს ტესტ-მატჩები "მეტალურგმა" ორჯერადი ინტენსიური ვარჯიშით გამოწვეული ფიზიკური გადატვირთვისა და დაღლილობის ფონზე ჩაატარა. გუნდი ერთი კვირის წინ დაბრუნდა სამშობლოში და ეს პერიოდი რუსთაველთა, საკუთარ სანვრით ბაზაზე გაატარა, ხოლო გუშინ თბილისის სტამბოლი-ტირანას ავიარების ალბანეთში გამგზავრდა. კობა ჟორჯიკაშვილმა "ტეტუსთან" გასვლით მატჩზე წაიყვანა:

მეკარეები - გრიგოლ ბედიაშვილი, ზურაბ ბათიაშვილი
მცველები - გივი კვარაცხელია,

მიხეილ მახვილაძე, გიორგი გავაშვილი, ზვიად ლობჯინიძე, ანზორ სუხიაშვილი, ლამა ჯაფარიძე, თორნიკე კაკუშაძე

ნახევარდაცვა - ლუკა რაზმაძე, დენის დობროვოლსკი, რევაზ გენაძე, გიორგი თეთუმანიძე, გიორგი მიქაბერიძე, ირაკლი მაისურაძე, გიორგი ქავთარაძე

თავდასხმა - ირაკლი სიხარულიძე, დიმიტრი ტატანაშვილი, მატჩისწინა კომენტარში რუსთაველთა მთავარმა მწვრთნელმა ნევილის ფავორიტად მისი გუნდი მიიჩნია, რაც საკვებით ლოკიურია.

"ჩვენს პირველ მეტოქე "ტეტუსთან" ფავორიტები ვართ, მაგრამ ეს

სულაც არ ნიშნავს, რომ მეტოქეს არ ვაფასებთ. არაერთხელ გვინახავს, თუ როგორი "კერკეტი კაკლები" არიან ალბანური კლუბები და სრული კონცენტრაცია-მობილიზაციაა საჭირო იმისთვის, რომ სასურველ შედეგს მივაღწიოთ. ეს ეხება არა მხოლოდ ალბანურ კლუბებს, ზოგადად, თანამედროვე ფეხბურთში ამის გარეშე წარმატებას ვერ მიაღწევ. ჩვენ მაქსიმალურად მოტივირებული ვართ და ძალიან გვინდა, რომ სატურნირო ბადეში რაც შეიძლება წინ წავიდეთ. ამისთვის კარგი შეკრება გავიარეთ, გამოვცადეთ ახალი ფეხბურთელები, ჩავატარეთ სპარინგები და ევროპის ლიგის პირველი საკვალი-

ფიკაციო ეტაპისთვის სრულ მზადყოფნაში ვართ. ვეცდებით, ალბანეთში ღირსეული შედეგი ვაჩვენოთ და სამშობლოში მომდევნო ეტაპზე გასვლის კარგი შანსით დავბრუნდეთ. კარგია, რომ პირველ მატჩს სტუმრად ჩავატარებთ. მეორე შეხვედრის საკუთარ მოედანზე გამართვა დამატებით, თუმცა, არაგადამწყვეტ უპირატესობას მინიჭ გვანიჭებს. უკვე ცნობილია, რომ ჩვენს წევრებში გამარჯვებულს მეორე ეტაპზე მეტოქედ ჩეხური "პლზენი" ელის, თუმცა, ამაზე ჯერ არ ვფიქრობთ და კონკრეტულ მეტოქეზე ვართ კონცენტრირებული", - განაცხადა კობა ჟორჯიკაშვილმა.

რაც შეეხება გუნდის შემადგენლობას, ამ თვალსაზრისით "მეტალურგს" რადიკალური ცვლილებები ჯერ არ განუცდია. იყო დაწყებული მოლაპარაკებები თბილისის "დინამოდან" წასულ დავით ოდიკაძესთან, მაგრამ შეთანხმება არ მოხერხდა. ახლა გუნდის ხელმძღვანელობა კონტრაქტის დეტალებს ათანხმებს 22 წლის ხორვატი მეკარესთან, 197 სმ სიმაღლის ივან ბოსმანთან, რომელიც მალე გახდება კლუბის წევრი. კლუბი დატოვდა მისმა მმართველმა დირექტორმა, გიორგი ტყავაძემ, რომელიც "მეტალურგის" მენეჯმენტს ერთი წლის განმავლობაში ხელმძღვანელობდა. ტყავაძე მშობლიურ თბილისის "დინამოს" დაუბრუნდა და იქ სპორტული დირექტორის თანამდებობა დაიკავა. "მეტალურგის" მმართველობაში კი მისი პოსტი ჯერჯერობით ვაკანტურია.

შვეიცარიის ალპებზე ხუთი მთამსვლელი იმსხვერპლა

გიგა ბარასაშვილი

შვეიცარიის ალპებში მწვერვალ ლაგინჰორნიდან (4010 მ.) დაშვებისას ხუთი გერმანელი მთამსვლელი დაიღუპა, ექსპედიცია კი ექვსი წევრისგან შედგებოდა.

ის იყო მწვერვალამდე ასიოდ მეტრი რჩებოდა, რომ ერთ-ერთმა მათგანმა თავი შეუძლოდ იგრძნო და გზის გაგრძელებაზე უარის თქმამ მოუწია. დანარჩენმა ხუთმა მარშრუტი გააგრძელა და მწვერვალზე დასაშვებრა. თითქმის ყველაფერი კარგად იყო და მწვერვალის დაპყრობას ზეიმობდნენ, რომ დაშვებისას უცაბედად ფერდობიდან მოწყდნენ და რამდენიმე ასეული მეტრი სიღრმის ნაპრალებში ჩაიჩენნენ. მთამსვლელი, რომელიც ვანმორთელობის გაუარესების გამო გამოეყო ჯგუფს, მასშველებს უხმო. ეგაა, მათ მხოლოდ ის შეძლეს, რომ ხუთი მთამსვლელის სიკვდილი ეცნობებინათ შემთხვევით გადარჩენილი კაცისთვის, რომელიც, როგორც შემდგომ გა-

ირკვა, ორი დაღუპულის მამა ყოფილა.

ტრაგედიის მიზეზები ჯერჯერობით დაუდგენელია, ვალაის პოლიციის განმარტებით, რომლის რეგიონშიცაა აღმართული ეს ოთხათასიანი მწვერვალი, მთამსვლელი ერთ თოკში ჩაბმულნი არ უნდა ყოფილიყვნენ.

შვეიცარიული გაზეთის Blick-ის ცნობით, მთამსვლელი შვეიცარიაში ბერლინიდან ჩავიდნენ. ადგილობრივი მაცხოვრებლების მონაყოლით, დაღუპულთა შორის გადარჩენილი მთამსვლელის შვილები 14 წლის გოგო და 20 წლის ბიჭია.

სხვა დაღუპულთა შორის ისაა ცნობილი, რომ ერთ-ერთი მათგანი 44 წლის კაცია, მეორე მისი ვაჟი (17 წლის), ხოლო მესამე მათი 21 წლის მეგობარია.

შვეიცარიის ალპებში დატრიალებული ტრაგედია თავისი მასშტაბებით წლეულს ყველაზე დიდი აღმოჩნდა.

2011 წელს შვეიცარიის მწვერვლებზე თუ უბრალოდ მთებში ლაშქრობებისას 151 ადამიანი დაიღუპა,

ხუთი მთამსვლელი იმსხვერპლა



ლაგინჰორნიზე ლაშქრობა ტრაგედიით დასრულდა

აქედან 29 მათგანი უცხოელი იყო.

...ლაგინჰორნის მწვერვალზე, რომელზეც პირველი ასულა განხორციელდა 1856 წლის 26 აგვისტოს, შვეიცარიის ალპების ოთხათასიანი მწვერ-

ვალებს შორის ყველაზე პატარაა. მწვერვალი სასის ფერდობზე მდებარეობს იტალიის საზღვრიდან დაახლოებით ათი კილომეტრის დაშორებით. მთამსვლელთა შორის ლაგინ-

ჰორნი ნაკლებ სირთულის მწვერვალის სახელით სარგებლობს. მისი უმთავრესი სირთულე თოვლია, რომელიც ასვლას ართულებს.

ცოტა ხნით ადრე 26 ივნისს სამხრეთ-აღმოსავლეთ საფრანგეთში მწვერვალ ნეჟ-კორდეს ფერდობზე (დაახლოებით 2700 მეტრი სიმაღლეზე) ექვსი მთამსვლელის გვამს მიაგნეს. უჩვეულო კი ისაა, რომ მათ შემთხვევაში სამძებრო საქმიანობა არავის უწარმოებია - დაღუპულ მთამსვლელთა გვამები შემთხვევით აღმოაჩინა ერთ-ერთმა ტურისტმა.

შარშან შვეიცარიის ალპებში ზვავმა იმსხვერპლა ასევე ხუთი ადამიანი, სამი კი უგზოუკვლოდ დაიკარგა, ხოლო სამი წლის წინათ მონბლანის (4,810 მ.) მთათა მასივში ჟენის მყინვარის სიახლოვეს ქალთან და მამაკაცთან ერთად დაიღუპა სნოუბორდის ისტორიაში პირველი ოლიმპიური ჩემპიონი ქალი (ნაგანოს ზამთრის ოლიმპიური თამაშები, 1998 წ.) და მსოფლიოს ექვსგზის ჩემპიონი სნოუბორდში კარინ რიუტი.

როგორ მოვიბოთ ათი ათასი

ბრიტანელმა ილუზიონისტმა, რომლის სცენიური ფსევდონიმია "დინამო", ტოტალიზატორ Paddy Power-ს 10 000 გირვანქა მოუგო.

ეს ის ტოტალიზატორია, რომლის რეკლამირებაც ევრო 2012-ზე დანიელმა ფორვარდმა ნიკლას ბენდტენერმა სცადა. პორტუგალიელთა კარში გატანილი გოლის შემდეგ ნიკლასმა შორტი ჩაიწია და მწვანე ტრუსებზე გამოჩნდა წარწერა: Paddy Power. ამის გამო ფეხბურთელი დაისაჯა კიდევ.

ახლა რაც შეეხება ბრიტანელ ილუზიონისტს, რომელმაც 10 000 მოგო. ორი კვირის წინ "დინამო" (მისი ნამდვილი სახელია სტივენ ფრეინი) ტელეკომპანია ITV-ს ერთ-ერთი დილის გადაცემის პირდაპირ ეთერში მივიდა სტუმრად და Paddy Power-ში დადებული ბილეთი დატოვა.

"დინამომ" გამოიცილა ყველა მეოთხედფინალისა და ნახევარფინალის გამარჯვებული, იწინასწარმეტყველა იტალიისა და ესპანეთის ნაკრები გუნდების გამარჯვება პენალტების სერიაში. ბილეთში აგრეთვე ეწერა, რომ ფინალურ მატჩში ესპანეთი იტალიას ჰანდიკაპით დაამარცხებდა.

სტივენმა სულ რაღაც ერთი გირვანქა დადო ფსონად. ამდენი პოზიციის გადაბმის წყალობით კი კოფიციენტმა ათი ათასს მიაღწია. ორშაბათს, ფინალური მატჩის მეორე დღეს, "დინამომ" კიდევ ერთხელ ესტუმრა იმ სტუდიას და ყველამ ერთად ნახა მისი ბილეთი.

29 წლის ილუზიონისტმა განაცხადა, რომ მოგებულ თანხას მთლიანად ქველმოქმედებას მოახმარს.

"შემიძლია დავადასტურო, რომ "დინამომ" მართლაც გააკეთა ერთ-გირვანქიანი ფსონი ჩვენს ტოტალიზატორში და 10 000 მოიგო. წარმოუდგენელია. ასეთი რამ არასდროს



პროგნოზისტი ილუზიონისტი

მომხდარა. პირადად მე ამას სასწაულად ვთვლი", - განაცხადა Paddy Power-ის წარმომადგენელმა ფილიპ შოფილდმა.

სტივენ ფრეინის პროგნოზმა შესაძლოა ბევრი გააკვირვოს, მაგრამ თუ მის ძველ "გმირობებს" გავიხსენებთ, ევრო 2012-ზე ფლეიოფის ეტაპზე ყველა მატჩის შედეგის გამოცნობა განსაკუთრებული არაფერია.

გასული წლის ივნისში 29 წლის "დინამომ" ლონდონში, ბრიტანეთის პარლამენტის შენობის წინ, მდინარე ტემზაზე ფეხით გაიარა. ნახევარი გზა ჰქონდა გავლილი, როდესაც ის პოლიციელებმა დააკავეს. ამ სანახაობას ვესტიმენტერის ხიდდან ასობით ადამიანი ადევნებდა თვალს.

სტივენს მობილური ტელეფონი გადაუტყვევია ლუდით სავსე ბოთლად, ხოლო თოვლი - ბრილიანტებად.